




# ПОСТГА

Қонунчилик ва ҳуқуқ-тартибот учун!

ГАЗЕТА 1930 ЙИЛ 12 МАЙДАН ЧИКА БОШЛАГАН • Ўзбекистон Республикаси ИИБ нашри • 2004 йил 11 март, пайшанба • 11 (3539)-сон



## ЭКСПЕРТЛАР ФАОЛЛИК КЎРСАТИШЯПТИ

Хоразм вилояти ИИБ эксперт-криминалистика бўлими ходимлари содир бўлган жиноятларни тезкорлик билан фош этишда фаоллик кўрсатишмоқда. Хусусан, ўтган йили икки мингга яқин воқеа жойини кўздан кечиришда иштирок этишди. Хизмат ходимларининг саъй-ҳаракатлари туфайли 52 та жиноят изи соўмай туриб фош этилди.

Жорий йилнинг ўтган икки ойи давомида эса бўлим ходимлари 200 дан ортиқ эксперт-тадқиқот ишлари-

ни ўтказишди. Шундан қўл бармоқ излари бўйича 9 та жиноят аниқланди.

– Яқинда қўл бармоқ излари бўйича жиноятчиларни аниқлашда муҳим аҳамият касб этувчи “Адис Сонда” компьютер тизими ишга туширилди, – дейди вилоят ИИБ эксперт-криминалистика бўлими бошлиғи, милиция майори Фарҳод Матёқубов. – Бу восита жиноятларни қисқа вақт ичида фош этиш имконини беради.



Суратларда: эксперт-криминалистика бўлими бошлиғи, милиция майори Фарҳод Матёқубов (юқоридан чапда) эксперт-криминалист, милиция капитани Олимбой Эгамбердиев билан компьютер ёрдамида воқеа жойидан олинган қўл бармоқ изларини текширмоқда; эксперт, милиция капитани Умар Курёзов (ўнгда) гумондордан олинган гиёҳвандлик моддасини кўздан кечириляпти; эксперт-криминалист, милиция катта летенанти Санжар Нуржонов (пастдаги сурат) бўлим техникаси Шухрат Маткаримовлар иш пайтида.

Жумабой ҚОЗОҚ олган суратлар.

### УШБУ СОНДА:

#### МЕҲР КУНДА КЕРАК

«...Бировнинг тақдирига кафиллик масъулиятини чуқур ҳис қилишдими? Меҳрмурувват кўрсатиш фақат сўзда ёки бир кунлик бўлиши керак эмас. У одамларнинг кундалик ҳаётини эҳтиёжига айланмоғи зарур...»



4

#### ОРЗУ ҚАЙГУГА АЙЛАНМАСИН

«...Чет элга чиқишни орзу қилган фуқароларимизга маслаҳатимиз шуки, агар хорижга катта орзулар билан бориб, қайтишда қайғуга учраб қолмай десангиз, қонуний йўл тутинг!»

13

#### ТИШЛАР НЕГА КАСАЛЛАНАДИ?

«...Сўнгги пайтларда кексайгунча лоақал тишларининг ярми сақланиб қолган одамлар тобора кам учраяпти. Ҳатто, болалар орасида ҳам стоматологга мурожаат қилаётганлар анча-мунча...»



14

#### УЧРАШУВ ЖОЙИ... БИЛЬЯРДХОНА

«...Халқимизда бирники мингга, мингники туманга, деган нақл бор. Эҳтимол, Нусратга ўхшаган лўттивоз, йўлдан урувчилар бўлмаганда, Рустам тинчгина ўқишини битириб олармиди...»

15

Шунингдек, газетамиз саҳифаларида кроссвордлар, спорт хабарлари, криминал воқеалар ва бошқа материаллар билан танишасиз.

**УСНИНЧИ** «Постга» gazetasing ilovasi  
TANIQLI KISHILAR BILAN UCHRASHUV, HAJVIYA, XANDALAR, KROSSVORD, SKANVORD, MUNAJJIMLAR BASHORATI, HAYRATOMUZ VOQEALAR, SALOMATLIK SABOQLARI SPORT YANGILIKLARI, INTERNET XABARLARI  
**TV O'LAM**

Воқеалар, янгиликлар, хабарлар

## «ЖАР»ДА ТАНТАНА

Пойтахтимиздаги «Жар» спорт-соғломлаштириш мажмуида республика ИИБ тизимида хизмат қилаётган аёллар, фахрийлар ҳамда хизмат бурчини ўташ чоғида ҳалок бўлган ходимларнинг оила аъзолари баҳорнинг илк айёми – Халқаро хотин-қизлар байрамини нишонлашди.

Йиғилганларни республика Ички ишлар вазирининг ўринбосари, ички хизмат генерал-майори Р. Қодиров табриклаб, салимий тилаклар билдирди. Сўнгра ИИБ шахсий таркиб билан ишлаш хизмати бошлигининг ўринбосари, милиция подполковниги Н. Расулов Ички

ишлар вазирининг байрам табриги ҳамда айём муносабати билан хизматда ўрнатилган бир гуруҳ опа-сингилларимизни мукофотлаш тўғрисидаги буйруғини ўқиб эшиттирди. Ички хизмат генерал-майори Р. Қодиров муддатидан олдин ҳарбий ва махсус унвонга сазовор

бўлган ходимларга погонлар топширди. Шунингдек, фахрий аёллар ҳамда хизмат вазифасини ўташ чоғида ҳалок бўлган ходимларнинг оила аъзоларига вазирлик раҳбарияти номидан байрам соғалари берилди.

Тантана қатнашчиларини республика ИИБ хотин-қизлар кўмитасининг раиси, милиция полковниги Қ. Султонова ҳам табриклаб, уларга бахт-саодат, оилавий хотиржамлик ва ишларида муваффақиятлар тилади.

Тўқин дастурхон аτροφидан жой олган аёлларга таниқли санъаткор ва сўз усталари ижросида байрам-концерти намойиш этилди.

Ўз мухбиримиз.

## БАЙРАМ ТАДБИРЛАРИ

**ТОШКЕНТ** вилояти ИИБда Халқаро хотин-қизлар куни муносабати билан ўтказилган тадбирга бошқарма тизимида хизмат қилаётган ички юз эллик нафардан ортиқ аёллар, пенсионерлар, хизмат вазифасини ўташ чоғида ҳалок бўлганларнинг оила аъзолари таклиф этилди. Уларга пул мукофотлари ҳамда қимматбаҳо совғалар улашилди. Бошқарма бошлиги, милиция полковниги М. Адиллов, фахрийлар кенгаши раиси М. Иноғомовлар сўзга чиқиб, йиғилганларни байрам билан салимий кутлашди. Дилрабо куй-қўшиқлар, «Хандалак» гуруҳининг ичакузди хангомалари кечага файз киритди.

Ўз мухбиримиз.

**КАШҚАДАР** вилояти ИИБда ташкил этилган кечада тўпланганларни бошқарма бошлиги, милиция полковниги В. Ходжаев баҳор байрамини билан қизгин табриклаб, уларнинг машаққатли ва шарафли ишларига омадлар тилади. Шундан сўнг вилоят «Эски мачит» театр студияси санъаткорлари томонидан тайёрланган катта концерт дастури намойиш этилди.

**Б. ЭРГАШЕВ,**  
милиция старшиниси.

**ФАРҒОНА** вилояти ИИБ ўқув марказида ўтказилган тантанани муассаса бошлиги, ички хизмат подполковниги У. Ғаниев очди. У жамоада эркаклар билан елкама-елка туриб хизмат қилаётган ёш милиция ходимларига билим беришда бор маҳоратини аяматган аёлларни Халқаро хотин-қизлар байрамини билан кутлаб, уларга мукофотлар топширди. Санъаткорлар ижросидаги концерт дастури ва ўқув марказининг «Лочин» ҳамда «Қалқон» жамоалари ўртасидаги беллашув барчада катта таассурот қолдирди.

**Х. АҲМЕДОВ,**  
милиция капитани.

**ЖИЗЗАХ** вилояти ички ишлар идораларида хизмат қилаётган аёллар, нафақада дам олаётган фахрийлар байрамни бошқарма ҳовлисидаги Хотира майдонига гуллар қўйишдан бошлашди. Тантанали йиғилишдан сўнг фидойи хотин-қизларга совғалар улашилди. Байрам кечасида сўзга чиққан истеъфодаги милиция майори Муҳаббат Усмонова кўрсатилган ҳурмат, эътибор учун бошқарма раҳбариятига миннатдорчилик билдирди.

Йиғилганлар дилга ором бахш этувчи куй-қўшиқлар тинглаб, мириқиб дам олдилар.

Ўз мухбиримиз.

## ҚИЗГИН НИШОНЛАНДИ

Вақтни оқар сувга қиёслашди. Ҳақиқатан ҳам шундай. Зеро, Қоровул қўшинлари ташкил топганига кўз очиб юмгунча 5 йил бўлибди. Тарих учун қисқа туюладиган шу давр ичида кадрлар тайёрлаш, танлаш, жой-жойига қўйиш, қўшинларнинг моддий-техник базасини мустаҳкамлаш борасида кўп ишлар амалга оширилди. Жазони ижро этиш муассасаларини кўриқлаш ва мудофаа қилиш, суд жараёнларида хавфсизликни таъминлаш каби масъулиятли вазифалар ҳам талаб даражасида бажарилди. Республика ИИБ Қоровул қўшинлари Бош бошқармасида бўлиб ўтган танта-

нали йиғилишда ана шулар ҳақида гап борди.

Унда иштирок этган республика Ички ишлар вазири ўринбосари, ички хизмат генерал-майори Р. Қодиров Қоровул қўшинлари ҳарбийлари ва фахрийларига вазирлик раҳбариятининг табриги, салимий тилакларини етказди. Шунингдек, йиғилганларни Ички қўшинлар кўмондони, генерал-майор Ж. Фозилов, республика ИИБ Фахрийлар кенгаши раиси, истеъфодаги милиция генерал-майори Ф. Раҳимов, ИИБ Тошкент олий ҳарбий-техник билим юрти бошлиги, генерал-майор Ш. Ниёзов ва бошқалар қиз-

ин кутлашди. Шундан сўнг республика Ички ишлар вазири Қоровул қўшинларининг бир гуруҳ ҳарбий хизматчиларини мукофотлаш тўғрисидаги буйруғини ИИБ ШТБХ бошлиги ўринбосари, милиция подполковниги Н. Расулов ўқиб эшиттирди. Ўз вазифасини виждонан бажариб, бошқаларга ўрнатилган бир қанча ҳарбий хизматчилар ва фахрийлар Қоровул қўшинлари кўмондонининг буйруғи билан ҳам тақдирландилар.

Тантанали йиғилиш сўнггида шахсий таркиб учун концерт дастури намойиш этилди.

Ўз мухбиримиз.

## ИНСОН ҲУҚУҚЛАРИ – БОШ МАСАЛА

Қарши Муҳандислик-иқтисодиёт институтида Ўзбекистон Республикаси Олий Мажлисининг Инсон ҳуқуқлари бўйича вакили (Омбудсман) Сайёра Рашидова марказий ва маҳаллий оммавий ахборот воситалари вакиллари учун матбуот анжумани ўтказди.

Анжумани институт ректори, профессор, Олий Мажлисининг Инсон ҳуқуқлари бўйича вилоятдаги вакили (Омбудсман) М. Нормуродов очди ва олиб борди. Дастлаб журналистлар эътиборига Омбудсманнинг фаолият йўналишлари, вилоят ҳуқуқ-

тартибот идораларида инсон ҳуқуқлари бўйича халқаро талаблар ва мамлакат қонунларининг ижроси юзасидан аτροφлича маълумотлар ҳавола этилди.

Ички хизмат подполковниги П. Назаров раҳбарлик қилаётган муассасада ҳам Сайёра Рашидова билан учрашув бўлиб ўтди. Унда Омбудсман фаолияти ва ваколати ҳақида аτροφлича тушунча берилди. Шунингдек, вилоятда яшовчи фуқаролар томонидан юборилаётган аризалар қай даражада ҳал этилаётгани хусусида сўз юритилди.

**С. РАҲИМОВ,**  
**С. АМИНОВА.**

2004 йил – Меҳр ва мурувват йили

## ЭЗГУЛИК

Фарғона вилояти ИИБ раҳбарияти томонидан Меҳр ва мурувват йили муносабати билан жорий йилга мўлжалланган тадбирлар режаси ишлаб чиқилган. Унга кўра ички ишлар идораларида кўп йил ишлаган фахрийлар, хизмат бурчини бажариш пайтида ногирон бўлганларни бе-



пул дори-дармонлар билан таъминлаш, озиқ-овқат тўловларини арзонлаштириш, ёрдамга муҳтож ва ёлғиз кишиларнинг уйларида бориб тиббий кўриқдан ўтказиш каби хайрли ишлар амалга оширилаяпти.

Яқинда вилоят ИИБ тиббиёт бўлими бошлиги, ички хизмат капитани Д. Ғаниев ҳамда Қўқон шаҳар ИИБ бошлиги, милиция полковниги А. Қундузовлар Қўқон шаҳрида яшовчи биринчи гуруҳ ногирони, истеъфодаги милиция катта лейтенанти Абдуҳафиз ота Усмоновга ногиронлик аравачасини топширишди. Бағдод тумани Кенагас қишлоғида истиқомат қилаётган ички ишлар

идоралари ва уруш фахрийси, биринчи гуруҳ ногирони Эгамберди ота Умрзоқовга эса эшитиш қобилиятини кучайтирувчи мослама совға қилинди.

**Б. ОМОНЗОДА.**

Суратда: ички хизмат капитани Д. Ғаниев ва милиция полковниги А. Қундузовлар I гуруҳ ногирони Абдуҳафиз ота Усмоновга ногиронлик аравачасини топшираётган пайт.

## ОНАЖОНИМ, ОПАЖОНИМ, АЗИЗИМ...

Вояга етмаганларга ижтимоий-ҳуқуқий ёрдам кўрсатиш маркази бошлиги, милиция майори Нажия Якубовага болалар шундай дея мурожаат қилишади.

Меҳр ва мурувват ҳақида кўп гапиравермай лоақал шунга муҳтож масканларга бир мартагина ташриф буюрган киши бу олий туйғуга астойдил яқинлашади, худбин иллатлардан узоқлашади...

Бухоро вилояти ИИБ ҲООбга қарашли вилоятлараро вояга етмаганларга ижтимоий-ҳуқуқий ёрдам кўрсатиш маркази бошлиги Нажия Сагитовна билан суҳбат давомида шундай хулосага келдим. Опа умрининг кўпгина йилларини шу даргоҳда хизмат қилиб, адашган, қаровсиз қолган, меҳрга зор болалардан оналик меҳрини аямай, уларга ғам-хўрлик қилиб ўтказаяпти.

– Марказимизга юборилган ҳеч бир боланинг тақдирини бефарқ қаролмайман, – дейди Нажия Якубова. – Улар оиласида, ҳаётда ўз ўрнини топишлари учун астойдил ҳаракат қиламиз. Бир ой давомида асраб-авайлаб, тиббий кўриқдан ўтказиб, ҳар бири билан алоҳида суҳбатлашамиз, ота-онаси, қариндошларига хабар берамиз. Агар яқинлари топилмаса (бўлмаса), Меҳрибонлик уйлари, махсус мактаб-интернатлар, махсус касб-хунара мактабларига юборамиз. Айни пайтда 14 нафар ўғил-қизлар марказ қарамоғига топширилган. Улар орасида турли вилоят ва шаҳарлардан келган, ҳатто қўшни Қирғизис-

тон, Туркменистон ва Россия Федерациясидан адашиб, ўзбошимчилик билан уйдан кетиб қолган болалар ҳам бор.

Марказнинг шароити ва қонун-қоидалари билан танишган киши болаларга кўрсатилаётган эътибор ва ёрдамдан беҳад хурсанд бўлишига шубҳа йўқ. Қизлар ва ўғил болалар алоҳида хоналарга жойлаштирилган. Душ ва ваннахоналар, телевизор ишлаб турибди. Тарбиячилар ўзларига бириктирилган гуруҳдаги болалар соғлиги ва ҳаёти учун масъул шахслар ҳисобланади. Марказ профлактика инспекторлари болаларнинг шахсини аниқлаш, улар ўртасида ҳуқуқбузарликларнинг олдини олиш бўйича чора-тадбирлар кўришади.

Давлатимизнинг бу каби ғамхўрлигига ҳар бир фуқаро, ташкилот, жамият, уюшмалар бефарқ бўлмади, амалий жавоб қайтарса (бу каби даргоҳларга тез-тез ташриф буюриб), моддий ва маънавий ёрдам кўрсатишса нур устига абло нур, савоб ишининг энг хайрлиси бўлур эди.

**Ражаббой РАУПОВ.**



Суратда: Когон шаҳридаги вояга етмаганларга ижтимоий-ҳуқуқий ёрдам кўрсатиш маркази бошлиги, милиция майори Нажия Якубова болалар даврасида.

# ДУНЁ ҲАФТА ИЧИДА



## ЯНГИ ҲУКУМАТНИНГ АСОСИЙ ТАРКИБИ ТАЙИНЛАНДИ

Россия Федерацияси Президентини Владимир Путин Михаил Фрадков бошчилигидаги янги ҳукуматнинг асосий таркибини тайинлагани маълум қилди.

Бош вазир ўринбосари этиб Александр Жуков тайинланди. Сергей Лавров ташқи ишлар вазири, Сергей Иванов муҳофаа вазири, Алексей Кудрин молия вазири, Рашид Нургалев ички ишлар вазири, Сергей Шойгу фавқулодда вазиятлар вазири, Герман Греф иқтисод ва савдо вазири, Алексей Гордеев қишлоқ хўжали-

ги ва балиқчилик вазири, Виктор Христенко саноат ва энергетика вазири, Михаил Зурабов соғлиқни сақлаш ва ижтимоий тараққиёт вазири, Андрей Фурсенко маориф ва фан вазири, Александр Соколов маданият ва ахборот вазири, Юрий Трутнев табиий ресурслар вазири, Юрий Чайка адлия вазири, Игорь Левитин транспорт вазири лавозимларини эгаллашди. Ҳукумат Девони раҳбари этиб эса Дмитрий Козак тайинланди.

Янги ҳукумат таркибида илгариги 30 та вазирлик ўрнига 17та бўлади.

## ҲАЛОКАТ САБАБИ АНИҚЛАНДИ

“Бигль-2” зонди Марсга қўниш чоғида қизил сайёранинг атмосфера-си ўта сийрак бўлгани учун ҳалокатга учраган. Европа аэрокосмик агентлиги шундай хулосага келди. Олимлар зондни Марсга олиб борган космик кемадан олинган фотосуратларни ўрганиб чиқиб, уларда ҳалокатга учраган “Бигль-2” нинг парчалари акс этган, деб ҳисоблашди. Эсингизда бўлса, 2003 йил декабрь ойининг ўрталаридан бошлаб зонд билан алоқа узилган эди.

Саддам Хусайн режими даврида содир этилган яна бир ваҳшийлик маълум бўлди. Ироқнинг Ал-Қодисия тумани ҳудудидан қирғин қилинган курдлар оммавий дафн этилган жой топилди. Мамлакатда чоп этиладиган “Аз-Замон” газетасининг хабарига кўра, уни маҳаллий деҳқонлар топишган.

## ТИРИКЛАЙИН КЎМИЛГАНЛАР

Аҳоли вакилларида бири – Абд ал-Мажид Аҳмаднинг айтишича, 1992 йил ўрталарида республика гвардияси ҳарбийлари тунда ушбу ҳудудга бир гуруҳ одамларни олиб келишган. Маҳаллий аҳоли учун бу ерга яқинлашиш тақиқланган. Кейинроқ бульдозерлар олиб келиб, одамларни тириклайин кўмиб юборишган.



Мутахассисларнинг тахминича, бу ерга Ироқ шимолида Саддам ҳокимиятига қарши кўзғолон кўтаргани учун ҳибсга олинган курдлар дафн этилган. Курдистон Ватанпарварлик кенгашининг ҳисоб-китобига кўра, Саддам Хусайн ҳукмронлиги даврида 4500 та қишлоқ йўқ қилиниб, 180 минг этник курд ўлдирилган. Америкалик аскарлар шу пайтгача 60 га яқин оммавий қабристонлар топишди. Кўплаб мурдаларнинг шахси ҳали аниқлангани йўқ.

Энг йирик биродарлик қабристони Киркук шаҳри яқинида топилган. Унда 2500 тага яқин қабр бор.

## ТЕЛЕЖУРНАЛИСТНИНГ ЎЛИМИ

Гаити пойтахти Порт-о-Пренсда муҳолифчилар намоиши бўлиб ўтди. Мамлакатнинг қочоқ президенти Бертран Аристида тарафдорлари намоишчиларга қарата ўқ узишди. Отишма чоғида Испания умуммиллий телеканали мухбири Рикардо Ортега қорни ва кўкрагидан оғир яраланди. У бир соатдан кейин касалхонада ҳаётдан кўз юмди.

Ўт очиш чоғида яна беш киши ҳалок бўлиб, 30 га яқин одам яраланган. Ярадор бўлганлар орасида АҚШлик журналист ҳам бор.

## КЎЗА КУНИДА СИНДИ...

Вьетнамдаги қишлоқларнинг бирида деҳқонлар топиб олган артиллерия снарядини қисмларга ажратиб, портловчи моддасини олмоқчи бўлишди. Кўп уришлари зое кетгач улардан бири снарядни болға билан урди. Юз берган портлаш натижасида бир киши ҳалок бўлди, уч нафари жароҳатланди. “Уста”лар илгари уч-тўртта снарядни шу тарзда қисмларга ажратишган экан. Кўза кунда эмас, кунда синади, деб бежиз айтишмайди.

## МАМЛАКАТ КОНСТИТУЦИЯСИ ҚАБУЛ ҚИЛИНДИ


Ироқнинг Муваққат Конституцияси қабул қилинди. Муваққат бошқарув кенгашининг барча аъзолари уни ёқлаб овоз беришди. Сўнг мамлакатнинг Асосий қонунини имзолаш маросими бўлиб ўтди. Унда Муваққат бошқарув кенгаши ва АҚШнинг Ироқдаги муваққат маъмурияти аъзолари иштирок этишди. Бошқарув кенгаши президенти Мухаммад Хусайн Баҳр ўз табрик сўзида бу кунни “шонли ироқ халқи тарихини белгилаб бер-

увчи тарихий дақиқалар” дея баҳолади. Сўнг Баҳр ва кенгашининг бошқа аъзолари бирин-кетин ҳужжатга имзо чекишди.

Таъкидлаш жоизки, Муваққат Конституцияни имзолаш маросими икки мартаба орқага сурилди. Биринчи гал бунга Бағдод ва Карбалода содир этилган террорчилик ҳаракатлари билан боғлиқ мотам сабаб бўлди. Иккинчи марта эса шиа мазҳабига мансуб вакиллар Асосий қонун

курдларга катта ваколатлар беришидан норози эканликларини маълум қилишди. Шундан сўнг маслаҳатлашувлар бошланди.

Муваққат Конституция 2004 йил 30 июнда америкаликлар ҳокимиятни топширгач Ироқда давлат қурилишининг умумий тамойилларининг белгилаб беради. Бошқа муҳим масалаларни эса 2005 йил умумий сайловлар йўли билан тузиладиган орган ҳал этади.



## БРАЗИЛИЯДА СУВ ТОШҚИНИ

Бразилиянинг Сеара ва Пара штатларида уч кун тинимсиз ёққан ёмғир натижасида сув тошқини юз берди. Оқибатда тўрт киши ҳалок бўлди, 80 минг нафардан зиёди бошпанасиз қолди.

Сеара штатининг маъмурий маркази бўлган Форталеа шаҳри яқинидаги учта сув омбори тўлиб, сув қирғоқларидан тошди. Етказилган зарар 100 миллион АҚШ долларидан ошган. Пара штатидаги жала

аҳоли ўртасида безгак касаллиги тарқалишига сабаб бўлди. Ҳозиргача беш мингдан зиёд бемор рўйхатга олинди. Мату Гроссу штатидаги 57 та муниципалитетда фавқулодда ҳолат эълон қилинди.

## ТЕРГОВ ДАВОМ ЭТЯПТИ


Ингушетияда йирик террорчилик ҳаракатининг олди олинди. Жиноят қидирув ва Федерал хавфсизлик хизматлари ходимлари Назрандаги “Асса” меҳмонхонаси яқинидаги йўл ёқасидан елим халта топиб олишди. Унинг ичида 50 кг аммиак селитраси ва алюмин кукуни, электродетонатор, Kenwood радиостанцияси ва симлардан иборат портловчи қурилма бор эди. Мутахассислар бомбани зарарсизлантиришди. Ушбу ҳолат бўйича тергов-суриштирув ишлари давом этяпти.

## СОХТА ОБРЎ ИЛИНЖИДА

Ички йўналишлар бўйича қатновчи “Суперферри – 14” паромиди ёнғин содир бўлган эди. “Филиппин дейли инкуайрер” газетасининг ёзишича, ҳозиргача филиппинлик қутқарувчилар 22 кишининг жасадини топишди. Яна 112 киши бедарак йўқолган, деб тахмин қилинмоқда.

Ёнғин сабабларини аниқлаш мақсадида текширув ишлари олиб бориляпти. Филиппинда фаолият кўрсатувчи “Абу Сайёф” террорчилик ташкилоти жавобгарликни ўз зиммасига олди. Аммо расмий шахслар ташкилотнинг бу баёнотини сохта обрў орттиришга интилиш, ўзини реклама қилиш дея баҳолашмоқда.

## БОМБАЛИ ГИЁХВАНД



Шанба куні Москвада қўлга олинган гиёхванднинг ёнидан портловчи қурилма топилди. Гиёхванд сўроқ чоғида уни қимматроққа пуллаш учун бошқа бировдан сотиб олганини айтди. Экспертлар бомба уста мутахассис томонидан ясалган, деган хулосага келишди.

Бундан бир неча ҳафта илгари ҳам маст кишининг ёнидан ҳар бири 200 грамм келадиган иккита тротил шашка ва уларга уланган детонатор топилган эди.

Саҳифа материалларини Э. САТТОРОВ ва Б. ТОШЕВ тайёрлашди.

## Маънавият

**Пойтахтимизнинг Собир Раҳимов туманидаги "Себзор" маҳалласида гиёҳфурушлик билан шуғулланувчи икки аёл қўлга олинди.**

"Мен ота-онам билан бирга яшайман. Қарамоғимда тўрт нафар вояга етмаган фарзандим бор, – дея тергов чоғида кўрсатма берди улардан бири. – Ҳеч қаерда ишламайман. Уйимиз олдида қурт, писта, сигарет сингари майда-чуйдалар сотиб тирикчилик қиламан. Фарзандларимни боқишга қийналиб қолганимни қўшнимга айтган эдим, у сотиш учун ҳар бирини 7500 сўмдан баҳолаб, учта чек героин берди. Уларни ўзим танимайдиган кишига пуллаб, 1500 сўм фойда кўрдим. Эртасига қўшнимдан сотиш учун яна иккита чек героин олдим. Шу куни кечки соат еттиларда икки киши ёнимга келиб ўзларини милиция ходимлари деб таништиришди. Улар холис аёллар ёрдамида мени "Ёшлик" милиция таянч пунктида тинтув қилишганида ёнимдан ҳалиги чеклар чиқди".

Унинг кўрсатмасига кўра қўшни аёл ҳам қўлга олинди. Маҳаллада суриштирув ишларини олиб бораётган тезкор ходимлар шубҳали туюлган бир фуқарони текшириб кўришганда унинг ёнидан героин моддаси топилди. У талаба бўлиб, қўшнисига "яхшилиқ қилиб" пуллаш учун героин берган аёлнинг эридан хумори тутганда заҳри қотил сотиб олар экан. Узининг айтишича, ўтган йили декабрь ойидан бошлаб ҳар гал 4-5 минг сўмдан ўн марта ярим чекдан героин сотиб олган. Талаба шунча пулни қаёқдан олди экан? Ота-онаси бердими? Ўзи ўғирлик, талончилик қилдими? Шу кетишда кейинги тақдири нима бўлади?

Аксар ҳолларда гиёҳванднинг тақдири қандай яқун топиши аён. Узоққа бориб ўтир-

масдан ўзим билган икки оиланинг бошига тушган кунларни ҳикоя қилиб берай.

Уларнинг кўнглига озор еткизмаслик учун исмларини ўзгартирмаган. Маҳмуд егани олдида, емагани ортида бўлиб ўсди. Ёлғиз ўғил бўлгани учун ота-онаси оғзидан чиққанини муҳайё қилишарди. У ўзига ўхшаган ўртоқлар орттирди. Ичкиликка ўрганди. Ошналар маст-аласт бўлиб тўполон қилган, бировларга озор берган пайтлари бўлди. Афсусланарлиси, катталар те-

Аммо шўрлик ота-онаси энди уни кўчага чиқаргани кўрқинишди. "Яна ёмон ўртоқларига қўшилиб кетса-чи? Ичкиликбозлик, гиёҳвандлик қилиб юрган жойларига бориб қолиб, ўзини тутолмай ҳаммаси бошдан бошланса-чи?" – дейишарди. Демак, ўғиллари захри қотил бутунлай мажруҳ этган ирода-сини қўлга олганига ҳамон ишонишмайди. Хўш, бир умр фарзандларини уй қамоғида сақлашадими? Шу ҳам ҳаётми? Уларга қанчалик оғирлигини бир тасаввур этиб кўринг-а!...

демайди. Қариндош-уруғлари амаллаб жойлаштирган ишлардан ҳам бўшаб кетди. Қўлига пул тушди дегунча наша сотиб олади. Иложи бўлса болаларига тайинланган нафақани ҳам ишлатса. Деворга осилган гиламу Германияда ишлаб чиқарилган чинни идишлар термасини сотиб юборганидан буён уни уйда ёлғиз қолдиришга кўрқинишди. Зўрлагандай қилиб даволатиб ҳам кўришди. Аммо кишининг ўзида қатъий хоҳиш бўлмаса қийин экан. Яна наша чекиш-

ласида икки аёлнинг гиёҳфурушлик билан шуғулланганлиги юзасидан йиғилиш бўлиб ўтди. Унда С. Раҳимов тумани ИИБ тергов бўлими бўлинма бошлиғи, милиция катта лейтенанти Ю. Ҳамидов, про-филактика инспекторлари Д. Шораҳимов ва Б. Юсуповлар иштирок этишди.

Маҳалла оқсоқоли Ш. Эргашев сўзга чиқиб, бу воқеа маҳалла шаънига доғ туширганини алоҳида таъкидлади. Икки маҳалладоши биринчи марта ба бундай номақбул иш билан шуғулланганлиги, илгари судланмаганлиги, бу йил Меҳр ва мурувват йили эканлигини ҳисобга олиб, уларни маҳалла муҳокамасига берилишини сўради. Аёллар қилмишлари учун кечирим сўрашди, минбаъд бундай ишга қўл урмасликка ваъда беришди.

Кўни-кўшни, маҳалла-қўйдан бирор гапни яшириш қийин. Наҳотки улар бир хонадон бекаси анчадан буён гиёҳфурушлик билан шуғулланганлигини билишмаган бўлса? Хўп, буням билишмади дейлик. Лекин бошқа бир аёл ҳеч қаерда ишласлиги, қарамоғидаги тўрт нафар фарзандини фақат писта, қурт сотиб боқишини-чи? Унга ёрдам бериш учун нима қилишди? Шу маҳаллада ўзига тўқ, қўли узун одамлар бордир. Жилла курса кам таъминланган бир аёлни ишга жойлаштириш уларнинг қўлидан келар. Моддий кўмак беришчи? Нега шу масалани илгарироқ, у ножўя ишга қўл урмасидан туриб муҳокама қилишмади? Борингки, оилавий ахволини ҳисобга олиб аёлни кечирар ҳам дейлик. Кейин амалий ёрдам берилмаса, у тирикчилик ташвишида яна гиёҳфурушлик ёки бошқа бир ноқонуний ишга қўл урмайди деб ким қафолат беради? Маҳалла аҳли муҳокама чоғида бундан обдон ўйлаб кўрдими? Бировнинг тақдирини кафилик масъулиятини чуқур ҳис қилишдими? Меҳр-мурувват кўрсатиш фақат сўзда ёки бир кунлик бўлиши керак эмас. У одамларнинг кундалик ҳаётини эҳтиёжга айланмоғи зарур.

**Мастура ЮНУСОВА.**

# МЕХР КУНДА КЕРАК

гишли хулоса чиқаришмади. "Ўғлимиз улғайиб қолибди. Йигитчилик шўхлиги-да. Майли, давримизда яйраб қолсин", – дейишди.

Бора-бора Маҳмудга бу кайф-сафо ҳам камлик қилди. Унинг кўнгли ҳали татиб кўрмаган лаззатларни тусарди. Пули ҳисобига айш-ишрат қилиб юрган ошналари дарҳол хоҳишини муҳайё этишди. Фақат бу лаззат қимматроқ турарди. Аммо героиннинг кайфи ҳам бошқача эди-да. Ота-онасидан кўп пул олиш қийинлашгач Маҳмуд кайф устида ўзининг назарида катта ишга қўл урди. У машина ўғирлади. Режаси, автоуловни сотиб, тушган пул ҳисобига жўралари билан айш-ишратни давом эттириш эди. Лекин тезда қўлга олинди. Кишининг бошига ташвиш тушганда дўст ким у бегона кимлиги билинади. Пулига, молу давлатига дўст бўлганлар энди Маҳмуддан юз ўгиришди. "Бизни бирга деб ўйлашса сенга жабр бўлади, ўртоқ. Групповойга узоқ сўра беришадими", – дейишди ўзларини оқлаш учун...

... Маҳмуд яқинда жазо муддатини ўтаб озодликка чиқди.

... Қуш уясида кўрганини қилар экан. Ақром ичишни отасидан ўрганди. У болалигидаёқ отаси байрам, тўй-томошаларда "ҳеч нима қилмайди", – деб ўзи бир стакан, ярим стакан вино ичираар экан. Кейин-кейин ароққа ружу

ни бошлаб юборди. Яқинда хумори тутганда пул топиш учун кўчада бир аёлнинг пул солинган сумкасини тортиб олибди. Эрта-индин суди бўлади. Кейин-чи, кейин?..

Юқоридаги йигитларнинг тақдири абгор бўлишида



қўйди, энди наша чекишга ўтди. Тўғри, ҳозир отаси ёши бир жойга бориб, аклини йиғиб олган. Ўғлига ҳам насиҳат қиляпти. Аммо фойдаси бўлмаяпти.

Ақром бирор жойда ишлай

этиборсиз ота-оналардан ташқари ўз тирикчилиги, бойлик орттиришни ўйлайдиган гиёҳфурушлар ҳам айбдор, албатта. Яна мақоламиз бошидаги воқеага қайтсак. Шу йил 2 март куни "Себзор" маҳал-

## Осойишта маҳалла обод бўлади

## ҚАРС ИККИ ҚЎЛДАН

Милиция капитани Тўйчибой Саидахмедов хизмат қилаётган 37-милиция таянч пункти Оқ олтин туманида энг намунали ҳисобланади. Қаровсиз қолган бино тумани ИИБ ҳамда маҳаллий идоралар томонидан қайта таъмирланиб, бугунги кунда фуқароларнинг ҳождатига ярайдиган ҳолга келтирилди. Ҳамкорликда амалга оширилётган ишлар бесамар кетаётгани йўқ. Мазкур йилнинг икки ойи давомида ўтган йил каби бирорта қонунбузарлик қайд этилмади. Бу бежиз эмас, албатта. Биргина 2003 йилнинг ўзида Т. Саидахмедов маҳалла, ташкилот, муассаса ва бошқа жойларда 300 та га яқин суҳбатлар ўтказди. Худуддаги ўндан ортиқ тарбияси қийин, катталар назоратидан четда қолган ўсмир-ёшларни спорт тўғрагига жалб этди. Уларни зарур анжомлар, спорт кийими



билан таъминлашда тумани ИИБ ва бошқа назорат идоралари ҳомийлик қилишди. Маҳаллада яшовчи кам таъминланган, ногирон, ёлғиз, ёрдамга муҳтож оилалар аниқланиб, уларга моддий ҳамда маънавий ёрдам кўрсатилди. Наврўз айёмига тараддуд кўриш асносида маҳалла фаоллари билан кенга-

шиб, қўшимча имкониятлар кўриб чиқилди.

Агар Янги йил арафасида тўрт нафар ногирон болага турли эҳсонлар ажратилган бўлса, Наврўз арафасида уларга турли хил кийим-кечаклар, моддий кўмак бериш кўзда тутилган.

– Тўйчибой сингари ғайратли, ишбилармон йигитларни кўриб ҳавас қиласан

киши, – дейди С. Раҳимов номли маҳалла оқсоқоли Ў. Отабоев. – Бизда ичимлик суви танқис эди. Унинг саъй-ҳаракатлари туфайли 6350 дан ортиқ хонадонга қувурлар ўтказилиб, ичимлик суви билан таъминланди.

Т. Саидахмедов ҳуқуқбузарликларга чек қўйиш, ёшлар ўртасида гиёҳвандликнинг олдини олиши борасида қатор амалий тадбирлар ташкил этаяпти. Бу ишларда маҳалла оқсоқоли Ў. Отабоев, маҳалла посбони Д. Илясов, вояга етмаганлар билан ишлаш гуруҳи инспектори, милиция катта лейтенанти Б. Холмуродов, педагог-тарбиячи С. Милтиқбоева, яраштириш комиссияси раиси Г. Давроновлар яқиндан ёрдам бермоқдалар.

Ўтган йили Л. Ханнинг хонадониде ўғирлик содир этилгани ҳақида хабар олинди. Ўғри эшикни бузиб очиб, 350.000 сўмдан ортиқ мол-мулкни ўмариб кетганди. Т. Саидахмедов воқеа жойини синчиклаб ўрганди. Ашъвий далилларни экспертиза учун юбориб, маҳалла фаоллари билан кенгашиди. Эртаси кунёқ ўғирликни содир этган Т. Дмитрий ушланди. Маҳалла аҳли ёлғиз онанинг кўз ёшлари ҳамда айбдорнинг пушаймонлиги, тавба-тазаррусини инобатга олиб, ишни судга оширмаслик ва ўсмирни назоратга олишни маъқул кўрди. Жабранувчи-га етказилган зарар тўлиқ қопланди. Дмитрий маҳалладошлари

билдирган ишончини оқлашга сўз берди.

– Бизнинг вазифамиз фақат жазолаш эмас, – дейди Т. Саидахмедов. – Авваламбор одамга ишонини керак. Бу борада ўта эҳтиёткорлик зарур. Йўл қўйилган хато инсон тақдирини тубдан ўзгартириб юбориши ҳеч гап эмас. У ишончини йўқотса, шафқатсиз бўлиб қолиши мумкин. Жамоат тузилмалари билан ҳамкорлик, биргаликдаги таъсир чоралари туфайли кўплаб адашган ёшлар, фуқаролар қайта ўз ҳаёт йўлларини топишмоқда.

Жамоатчиликнинг саъй-ҳаракатлари боис маҳалладаги ажралиш арафасида турган ўндан ортиқ оилалар ярашиб кетгани бу фикрнинг тасдиғидир.

**М. ИБРОҲИМОВА,**  
Суратда: Т. Саидахмедов коллеж ўқувчилари билан суҳбат ўтказаяпти.

# UCHINCHI «Поетга» gazetasining ilovasi

## TV OLAM

TANIQLI KISHILAR BILAN UCHRASHUV,  
HAJVIYA, XANDALAR, KROSSVORD,  
SKANVORD, MUNAJJIMLAR BASHORATI,  
HAYRATOMUZ VOQEALAR, SALOMATLIK SABOQLARI  
SPORT YANGILIKLARI, INTERNET XABARLARI

### Ўтмишдан садолар

Дунёнинг етти мўъжизаси ҳақида кўп эшитгансиз. Лекин аслини олганда бу курраи заминда одамзот қўли, ақлу заковати, пешона тери билан яратилган мислсиз мўъжизаларни санаб адоғига етиб бўлармикан? Буюк Хитой девори ҳақли равишда улардан бири саналади...

Бу муаззам иншоот ўзининг маҳобати, узунлиги, мустаҳкамлиги билан кишини ҳайратга солади. Сайёрамизнинг бошқа бирор-бир нуқта-сида бунчалик қурилиш ашёлари сарфланган бинокорлик намунаси йўқ. Қурилиш ишлари жуда узоқ давом этди. Қалъа деворига биринчи гишт император Цинь Шихуанди замонида қўйилган эди.



## ДУНЁДАГИ ЭНГ УЗУН ДЕВОР

Ҳокимиятпараст императорга ўзидан олдинги ҳукмдорлар муваффақ бўлмаган зафар, омад насиб этди. У аҳоли зич яшайдиган улкан худудни бирлаштирди. Қўл остидаги мамлакатда ягона давлат тили, ёзув, пул бирлиги ва оғирлик ўлчовларини жорий этди. Аммо ҳар бир янгилик, ислохот учун "товон" тўлаш керак. Император энди ўзи барпо этган давлатни душман қабилаларнинг ҳужумларидан

ҳимоя қилиши керак эди. Жангари кўчманчилар тинч хитой қишлоқларига мўр-малаҳдек ёпирилиб келишар, аҳолини қириб, бор-будини талаб, яна салтанат шимолидаги адоқсиз саҳроларига қайтиб кетишарди. Улар ўзларидан кейин вайроналар қолдиришарди. Император Цинь суворийлар ҳужумини фақат кучайтирилган чегара заставалари ва мустаҳкам иншоотларгина тўхтатиб қолади, деган қарорга келди.

Қудратли Цинь Шихуанди ўзининг энг сара кўшинларига икки миллион деҳқонни мамлакат шимолидаги чўлга улкан, баланд ҳимоя девори қуриш учун ҳайдаб боришни амр этди. Оч, ярим яланғоч, эркисиз қурувчилар жазирама ёзда ҳам, қаҳратон қишда ҳам эрта тонгдан то қоронги шомгача чумолидек тиним билмай ишлашарди. Ўн икки йил деганда баланд, кўп қаватли иншоот қад кўтарди. Бу Буюк Хитой деворининг дастлабки 4200 километри эди. Қурилиш чоғида қўлланилган оғир, машаққатли бинокорлик усулини хитойлик деҳқонлар ҳали-ҳануз эшлашади. Улар аввал ёғоч тиклашган. Сўнг уни тупроқ билан кўмишган. Кейин сув қуйиб, оёқ билан тепкилаб пиширишган. У қотғач устидан яна ёғоч ўрнатиб, лой қориб, пахса қилишган. Бу жараён то девор керагича баланд бўлгунга қадар давом этаверган.

Маълумотларга қараганда, жиноятчиларни ҳам қамаш ўрнига қурилиш ишларига жалб этишган. Чунки улар текин еб ётгандан кўра қора меҳнатга жалб қилингани арзон тушган-да.

Ҳа, жаҳонни лол қолдириб келаётган бу иншоот миллион-миллион одамларнинг кўз ёши, пешона тери ҳисобига қад кўтарган...

Шафқатсиз ва ҳокимиятпараст император Цинь Шихуанди вафотидан сўнг мамлакат-

да бошбошдоқлик бошланди. Император ҳукмдорлиги даврида қашшоқлашган, қулга айлантирилган шўрлик халқ энди бош кўтаради. Одамлар ёвуз Цинь Шихуандини эслатувчи ҳар қандай нарсани йўқ қилишга қиришишади. Камбағаллар ҳатто унинг мақбарасини ҳам талаб, вайрон этишди. Ниҳоят орадан тўрт йил ўтиб, ҳокимиятни Ханлар сулоласи эгаллади.

Янги император ва унинг ворислари Цинь Шихуандидан ҳам кўра шафқатсиз ва шўхратпараст бўлиб чиқишди. Улар даврида девор қурилиши янада авж олди. Энди у янаям баландроқ ва энлироқ қилиб давом эттирилди. Деворнинг умумий узунлиги ўн минг километрга етди.

Мана, уч минг йилдирки, дунёда энг узун ҳимоя девори табиий офатлар ҳамласига бардош бериб келяпти. Ваҳоланки, уни одамлар қуруқ қўл билан тупроқ, ёғоч, шох-шаба, тош, от гўнги каби оддий қурилиш ашёларидан бунёд этишган эди.

Аммо ҳимоя девори қанчалик баланд, мустаҳкам бўлмасин, чегарани ишончли муҳофаза қила олмайди. Чунки қалъани мудофаа қилувчи, тиш-тирноғича қуролланган аскарлар бўлмаса, ундан нима наф? Ўн минг километрга чўзилган чегара худудини қўриқлаш учун ҳатто императорнинг миллион нафарлик

армияси ҳам етмасди. Буни хитойлик амалдорлар яхши тушунишарди. Шунинг учун кўчманчиларнинг ҳужуми ҳақида хабар қилиш усул ва воситаларига катта эътибор бердилар. Улар сигнал беришнинг пухта тизимини ишлаб чиқишди.

Чегара постлари шундай жойлаштирилдики, биридаги сигнал минораси томида ёқилган гулханнинг тутуни иккинчисидан кўриниб турар эди. Тунда соқчилар ташвиш сигнални каттакон гулханлар воситасида узатишарди. Чегара постларида хизмат оғир, зерикарли ва хавфли эди. Ватаннинг содиқ ўғлонлари кимсасиз саҳродаги заставаларда ўн йиллаб, баъзан умрларининг охиригача хизмат қилишарди.

Бугун Буюк Хитой девори бўйлаб у ер-бу ерда кўрғонларга кўзингиз тушиши мумкин. Булар империя ҳимоячилари дафн этилган, кейинчалик унут бўлиб кетган қабристонлардир.


Девор қурилиши икки миғ йилча давом этди. Ҳар бир ҳукмдор тарихда ўз номини қолдириш учун уни кенгайтиришга, қайта қуришга, безатишга ҳаракат қиларди.

XIV асрда Минлар сулоласи вакиллари деворнинг бузилган қисмларини тиклашга киришишди. Қалъалар кенгайтирилди. Янги соқчилик миноралари қурилди. Бузилган пахсалар ўрнига тош терилди. Деворнинг учинчи қисми 6350 километрга чўзилган. Илгаригилари билан қиёслаганда бу чинакам истехком намунасидир. Уни қуришда бинокорлар ўз даврларида қўлга киритилган энг сўнгги фан-техника ютуқларидан фойдаланишди.

Мустаҳкам қалъалар, оқава сув қувурлари, аскарларнинг ётоқхоналари – ҳаммаси кўзда тутилди. Девор Минлар сулоласи Хитойни ҳимоя қилишга, ташқи дунёдан узиб қўйишга қатъий чоғланганлигини намоён этарди.

Кейинги юз йилликлар Ўрта империя бошига офат устига офат ёғдирди. Узоқ йиллар тобелikka, қулликка сабр қилиб келган муте халқ энди бош кўтарди. Ҳукмдорлар ҳар гал халқ кўзғолонларини шафқатсизлик билан бостиришарди. Яна ҳаёт аввалги зайлда давом этарди. Сон-саноксиз исёнлар ва урушлар Буюк Хитой деворида ҳам ўз изини қолдирди. Исёнчилар тўдалари ва душман галалари унинг айрим жойларини ер билан теп-текис қилишди.

Эндиликда ҳимоя деворининг қолган-қутган қисмлари дунё маданиятининг бебаҳо намуналари, деб тан олинган. Хитойликлар ўз мамлакатларининг ушбу диққатга сазовор иншооти билан фахрланишади.



## Bolajonlar sahifasi

**Aziz mushtariylar! Gazetamiz ichki ishlar idoralari xizmat qilayotgan aksariyat xodimlarning xonadoniga yetib borayotganidan mamnunmiz. Oila davrasida gazeta sahifalarini endi voyaga yetayotgan o'g'il-qizlar ham varaqlashadi. Yosh mushtariylarimiz bilan yanada yaqinroq muloqotda bo'lish maqsadida "Bolajonlar sahifasi"ni tashkil etishga qaror qildik. Unda bolalar o'rtasida ro'y berayotgan huquqbuzarlik, qoidabuzarliklar xunuk oqibatlariga olib kelishi, odob-ahloqqa oid ibratli hikoyatlar, donolar o'g'itlari, ertaklar, shuningdek, boshqotirma, topishmoq, xandalar yoritib boriladi. Shu o'rinda kichik va o'rta yoshdagi maktab o'quvchilaridan sahifa materiallarini boyitishda ishtirok etib, bizga o'zlarini qiziqtirgan mavzularda maqolalar va ijod namunalari yo'llashlarini iltimos qilamiz.**



Hikoyat

### EGRIQO'L BOLA

Rivoyat qilishlaricha, madrasalardan birida ta'lim olayotgan bolalar orasida egriqo'l paydo bo'ladi. Do'stining hamyonini o'g'irlagan bola yana shu ishga qo'l uradi. Lekin undan hech kim shubhalanmaydi. Chunki u o'ziga to'q, badavlat oila farzandi edi. Madrasa muallimi shahar qozisiga borib voqeani bayon etadi.

– Muhtaram qozi, men madrasada yangi odamman, bolalarning oilaviy ahvoli, o'tanasini bilib ulguranim yo'q. Shuning uchun egriqo'l kim ekanini taxmin qilishga ham ojizman, – deydi u.

Ertasiga qozi madrasaga boradi. Bo'lib o'tgan egriqo'l'likdan xabar topganini aytib, yo'qolgan hamyonlarni topib bergan bolaga o'g'irlangan puldan o'n barobar ko'p miqdorda mukofot berishga qaror qilganini aytadi.

Egriqo'l bola agar hamyonlarni qoziga olib borsam yana ko'proq pulga ega bo'laman, deya suyunib ketadi. O'sha kuniyoq darsdan keyin qozining huzuriga boradi.

– Bo'tam, bu hamyonlarni qaerdan oldingiz, – deb so'raydi qozi undan.

– Topib olgandim, – deydi kalovlanib bola.

– Nega uni egasiga topshirmadingiz? – deydi kulib qozi.

Bola qo'lga tushganini bilib, hijolatdan qizarib ketadi. Qozi unga egriqo'l'likning mudhish oqibatlarini tushuntirib, hamyonlarni egalariga topshirib, kechirim so'rash zarurligini uqtiradi.

### YODDA TUTING!

Bolalar kattalar nazoratisiz elektr va gaz asboblaridan foydalanish mumkin emas.

\*\*\*

Yo'l harakati qoidalariga rioya etish kattalar bilan bir qatorda har bir bolaning burchidir.



## BOSHQOTIRMA

Rasmda bolalar shoiri Po'lat Mo'min qalamiga mansub she'riy hikmat yashiringan. Uni o'qish yo'lini topa olasizmi?

**Eslatma:** Shakl tepasidagi «T» harfidan boshlab, har gal ikkita uchburchakni, ya'ni harfni qoldirib o'qish kerak.

Hamidulla ABDULLAYEV tuzdi.

Dono buva o'g'itlari

### HUNARLI KISHI XOR BO'LMAS

**O'g'ilmi, qizmi biror hunar egasi bo'lishi kerak. Qaysi kasbning boshini tutmang, uning mashaqqatlari, qiyinchiliklariga bardosh berib, sirlarini puxta egallashga harakat qiling, ana shunda maqsadga yetasiz. Naridan-beri hunarli bo'lishga shoshilmang. Qancha ko'p o'qib, o'rgansangiz, shuncha puxta bilimga ega bo'lasiz. Zero, oddiy toshga ham sayqal berilaversa, gavhardek yaltirab ketadi.**

Topishmoq

### CHO'PONGA YORDAM BERING

Bir cho'pon yaylovda echki boqib yurib, tuzoqqa tushgan bo'rini ko'rib qoladi. Uni tiriklayin uyga olib ketishga qaror qiladi. Cho'pon bir bog' pichanini ko'tarib, bo'rini yetaklab, echkini oldiga solib uyga jo'naydi. Uyiga daryodan o'tib borishi kerak. Qayiq uch kishiga mo'ljallangan. Cho'ponning boshi qotadi. Pichan bilan echkini qoldirib bo'lmaydi. Bo'riga esa echkini ishonmaydi. Cho'pon qanday qilib pichan, bo'ri va echkini daryodan o'tkazib ketishi kerak?

## ТАБРИКЛАЙМИЗ!

Азиз ва мўътабар онажонимиз **Ҳоҷархон ая ҚАЮМОВА!** Сизни табаррук 90 ёшингиз билан самимий муборакбод этамиз. Меҳрибон волидамиз, яна кўп йиллар саломат, бардам бўлиб, даврамизни тўлдириб, бахту камолимизни кўриб юришингизни Аллоҳдан сўраб қоламиз.

**Фарзандларингиз, невараларингиз чеvarаларингиз номидан қизингиз Жўрахон Қаюмова.**

\*\*\*

Тошкент вилояти ИИБ ППХ батальони сардори, милиция подполковниги **Эркин АБДУРАҲМОНОВ** ва вилоят ИИБ ҲОУБ катта инспектори, милиция капитани **Ильмира ЮСУПОВА**ни туғилган кунлари билан чин дилдан қутлаймиз. Уларга узоқ ва мазмунли умр, сиҳат-саломатлик, оилавий хотиржамлик, хизматларида омад ва ютуқлар тилаймиз.

**Ҳамкасблари ва оила аъзолари номидан милиция сержанти Гулноза Абдукаримова.**

\*\*\*

Фарзандимиз, майор **Нодирбек НИШОНОВ**ни туғилган кун билан самимий қутлаймиз. Аллоҳдан унга мустақам саломатлик, оиласи билан кўша қариб, фарзандларининг камолини кўриб юриш, бахтли ҳаёт кечириб, ўқиш ва ишларида катта ютуқлар ёр бўлишини тилаб қоламиз.

**Худойбердиевлар оиласи.**

Республика ИИБ ППХ ва ЖТСББ инспектори, милиция капитани **Шухрат КАРИМОВ**ни туғилган кун билан самимий табриклаймиз. Ҳамкасбимизга узоқ ва мазмунли умр, сиҳат-саломатлик, оилавий хотиржамлик, ишларида катта ютуқлар тилаймиз.

**Бош бошқарма шахсий таркиби.**

\*\*\*

Фарғона вилояти ИИБ ППХ ва ЖТСБ реабилитация этиш марказининг тезкор вакили, милиция катта лейтенанти **Шухратжон ИГАМБЕРДИЕВ**ни туғилган кун билан чин дилдан қутлаймиз. Унга мустақам соғлиқ, оилавий бахт, хизматда омад ва ютуқлар тилаймиз.

**Эҳтиром или ҳамкасблари.**

\*\*\*

Республика ИИБ ИҚББ Бухоро вилоятидаги қисмининг ҳайдовчиси, сержант **Алишер ҲАСАНОВ**ни таваллуд топган кун билан табриклаймиз. Меҳрибон дадажонимизга узоқ умр, сиҳат-саломатлик, ишларида ютуқлар тилаймиз. Бахтимизга доимо омон бўлинг!

**Рафиқангиз Гулзода, ўлингиз Абдуллоҳ.**

## МУҶАЖЖИМЛАР БАШОРАТИ

Келгуси ҳафта учун



**Кўй.** Ушбу ҳафтада белгиланган ишларни бажариш учун кўп куч сарфлайсиз. Оилавий муносабатларда мураккабликлар юзага келади. Қурилиш ишларини бошлаб юборишингиз мумкин. Ҳаётингизда ижобий ўзгаришлар рўй беради. Массулиятли учрашувлар кутилмоқда. Керакли ҳужжатларни расмийлаштиришингиз сиз кутган натижани бермайди. Юзага келган вазиятдан осонгина чиқиб olasiz.



**Сигир.** Дастлабки кунлар қарздан қутулишга муваффақ бўласиз. Танишлар билан муносабатлар кескинлашмасин десангиз, муомалада эҳтиёт бўлинг. Катта сарф-ҳаражатлар қилишингиз эҳтимолдан холи эмас. Янги танишлар, тасодифий ҳамроҳлар билан боғлиқ кўнгилсиз воқеалар жума кун рўй бериши мумкин. Яқшанба кун мавқеингизни яхшилашга ҳаракат қиласиз.



**Эгизаклар.** Душанба кун назарий математика ва тиббиёт билан шуғулланган Эгизакларга омад кулиб боқадилар. Утган йилнинг охирида қилинган баракали меҳнат чоршанба кун ўз мевасини беради. Эски қадрдонингиз билан учрашиб, узилиб қолган алоқаларни тиклаб olasiz. Жума кун кутилаган ижобий ютуқлар сизга обрў-эйтибор келтиради. Шанба кун бажарилган ишингизда хатоларга йўл қўйишингиз мумкин.



**Қисқичбақа.** Ҳафтанинг бошида молиявий ютуққа эришасиз. Кейин эса битимлар тузиш, харидлар қилиш ҳамда ҳужжатларни расмийлаштиришда омад сиздан юз ўгиради. Атрофингиздаги одамларнинг салбий муносабати кайфиятингизга ўз таъсирини кўрсатади. Пайшанба кун янги танишлар орттирасиз. Яқшанба кунги воқеалар келажакқа бўлган ишончингизни оширади.



**Арслон.** Душанба кун миёнагизда янги гоёлар туғилади. Сешанба кун қарама-қаршиликлар юзага келиши мумкин. Пайшанба кун ҳар қандай масала юзасидан бир қарорга келишдан аввал ҳиддий ўйлаб кўринг. Жума кун ҳаётингизда катта ўзгаришлар рўй беради. Дам олиш кунлари дўстлар даврасида кўнгилли ҳордик чиқаришни маслаҳат берамиз. Ҳамёнингизга пул тушиши мумкин.



**Бошоқ.** Ҳафтанинг бошида турмуш муаммоларини қийинчилик билан ҳал этасиз. Кутилмаган ҳаражатларнинг қўлайлиб кетиши бюджетга салбий таъсир кўрсатади. Жума – омадсиз кундир. Тижорат ишларини ҳушёрлик билан амалга оширишингиз маъқул. Яқшанба кун меҳнат фаолиятингиз билан боғлиқ мураккабликлар юзага келади.



**Тарози.** Атрофингиздаги кишилар бажарилган ишларингизга аралашингизга йўл қўйманг. Шахсий ҳаётингиз ўзингиз ўйлаган даражада кечмайди. Пайшанба кун катта маблағ сарфланадиган ҳаражатлар қилмаганингиз маъқул. Жума кун ижодий фаолликка эришасиз. Шанба кун атрофингиздаги одамлар билан муносабатларда муаммолар пайдо бўлади. Яқшанба кун хатоларга йўл қўйишдан эҳтиёт бўлинг.



**Чаён.** Ҳафтанинг бошида кайфиятингиз тез-тез ўзгариб туради. Молиявий масалаларда қийинчилик сезасиз. Эски қарзларингиздан қутулишни маслаҳат берамиз. Жума кун алданиб қолишдан эҳтиёт бўлинг. Шанба – алоқалар ўрнатилган учун нуқул кундир. Яқшанба кун яқинларингиз билан муносабатларда муаммолар юзага келади.



**Ёй.** Душанба кун ҳаётингизда маълум қийинчиликлар кутилмоқда. Уларни сабр-тоқат билан енгишга муваффақ бўласиз. Чоршанба кун қимматбахо бўюмлар, кўчмас мулкни қўлга киритишингиз мумкин. Пайшанба кун ўзингиз хоҳламаган инсон билан учрашасиз. Шанба кун барча ўйлаган нарсаларингиз амалга ошади. Яқшанба кун сайру саёхатлар, дўстлар даврасида ҳордик чиқариш учун қўлай кундир.



**Тоғ эчкиси.** Дастлабки кунлар руҳингиз бироз тушиб кетади. Юзага келган вазиятдан тўғри ҳулоса чиқаришни маслаҳат берамиз. Чоршанба кун яна ҳаммаси ўз ўрнига тушиб кетади. Жума кун оилангиз ёки шериклар билан муносабатларда мураккабликлар юзага келиши мумкин. Дам олиш кунлари рўй берадиган воқеалар маънавий оламингизни бойитади.



**Қовға.** Ҳафтанинг бошида молиявий қийинчиликлар, муҳаббат бобида эса кўнгилсизликлар кутилмоқда. Пайшанба таътилга чиқаришни режалаштириш, хизмат сафарларига бориш учун қўлай кундир. Шанба кун эски қадрдонлар билан алоқа ўрнатиб, фаол дам олинг. Фейл-атворингиздаги айрим камчиликлар тўғрисида яқшанба кун яқин кишилар билан муомалада тушунмовчиликлар келиб чиқади.




**Балиқ.** Душанба кун ишларни эҳтиёт бўлиб юритишингизга тўғри келади. Акс ҳолда шерикларингизнинг сизга бўлган эътиборини йўқотишингиз мумкин. Чоршанба ҳар қандай ишларни бошлаш учун қўлай кундир. Пайшанба кун барча орзуларингиз ушалади. Жума кун шахсий юмушларни бажариш ва ижод борасида ютуқларга эришасиз. Яқшанба кун кутилаган сафар бир олам қувонч келтиради.






ОРТ, душанба
0.40 Триллер «ИККИ ЁҚЛАМА ҚАМАЛ»
Иши бароридан келиб турган банкир Дэрил Чейз кийин вазиятга тушиб қолади...

ТВ 3, сешанба
21.00 Мелодрама «КУЁШНИНГ ҚО-РАЙГАН ТОМОНИ»
Рик Клейтон тугилганидан оғир касалликка мубтало бўлган...



Ролларда: Брэд Питт, Г. Бойд ва М. Драчив.

ДТВ, чоршанба
00.00 Бадийий фильм «КУЛРАНГ БОЙЎҒЛИ»
Ушбу фильм сааноатлашган дунёдан возкечибу ўрмон кўйнида табиат билан уйғунликда бир урма рашага ахд қилган овчи ҳақида.



Ролларда: Пирс Броснан, Анни Галлипо, Грэм Грин-вт., Чарльз Пауэлл, Ал Вандеркрус.

ОРТ, пайшанба
1.20 Комедия «ТУБСИЗ ЖАР ЁҚАСИ-ДАН ТАБРИКНОМАЛАР»
Сюэзен Вэйл Голливуднинг машхур актрисаси. Аммо сўнги пайтларда омад ундан юз ўгиради...



Ролларда: Ширли Маклейн, Мерил Стрип, Жин Хэксман, Дэннис Куэйд ва бошқалар.

ЧОРШАНБА, 17

Ўзбекистон телеканаллари

6.00 «Ассалом, Ўзбекистон!»
8.00-8.35 «Ахборот».
8.35 ТВ-маркет
8.40 Газеталар шарҳи...

Тошкент телеканаллари

17.10 Кўрсатувлар тартиби
17.20 Серил. «Луиза Фернанда».

Ёшлар телеканаллари

6.55 Кўрсатувлар дастури
7.00 Давр
7.30 «Мунаввар тонг».

Sport телеканаллари

8.00 «Бардам бўлинг». Тонги дам олиш дастури.

ПАЙШАНБА, 18

Ўзбекистон телеканаллари

6.00 «Ассалом, Ўзбекистон!»
8.00-8.35 «Ахборот».
8.35, 17.55 ТВ-маркет...

Ёшлар телеканаллари

6.55 Кўрсатувлар дастури
7.00 Давр
7.30 «Мунаввар тонг».

10.00 Белбоғли кураш.
23.50 «Властелины ядерных колец».

РТР

3:00 «Доброе утро, Россия!»
6:45 Серил «Тайны следствия-3. Овечьи шкура».

30-й канал

9.00 Дастурнинг очи-лиши
9.05, 17.30, 20.45 «Телехамкор».

ОРТ

6.00 Телеканал «Доб-рое утро»
9.00, 12.00, 5.00 Ново-сти

Тошкент телеканаллари

17.10 Кўрсатувлар тар-тиби
17.20 Серил. «Луиза Фернанда».

Sport телеканаллари

8.00 «Бардам бўлинг». Тонги дам олиш дастури.

ТВ 3

8.30 «Победоносный го-лос верующего».
9.00 Мультфильм

ДТВ

9.30 Мультфильмы.
9.57 Будьте здоровы.

ТНТ

5.55, 6.40 Мультфиль-мы.
6.15, 19.30, 0.25 Мос-ква: инструкция по при-менению.

ОРТ

6.00 Телеканал «Доб-рое утро»
9.00, 12.00, 5.00 Ново-сти

30-й канал

9.00 Дастурнинг очи-лиши
9.05, 17.30, 20.45 «Телехамкор».

15.00 «Шоу Бенни Хилла».
15.30 «Маски-шоу».
16.00, 21.00, 0.20 Ре-алийти-шоу «12 негрят».

СТС

8.00 «ПРИКЛЮЧЕНИЯ ЧЕРНОГО МУСТАҒА».
8.30, 9.00 Мульт-фильмы

7 ТВ

8.00 Горячая семер-ка.
8.30 Звезды мирового спорта.



ЖУМА, 19

Ўзбекистон телеканалли

6.00 «Ассалом, Ўзбекистон!»
8.00-8.35 «Ахборот».
8.35 ТВ-маркет.
8.40 Газеталар шарҳи.
9.00 1. «Чакмоқтош».

Тошкент телеканалли

17.10 Кўрсатувлар тартиби.
17.20 Сериал. «Луиза Фернанда».
17.45 «Табриклимиз-кутлаймиз».
17.55 «Хориж хабарлари».

Ёшлар телеканалли

6.55 Кўрсатувлар дастури
7.00 Давр
7.30 «Янги авлод» студияси: Шоҳсула

Sport телеканалли

8.00 «Бардам бўлинг».
Тонгги дам олиш дастури.
9.00 Мини футбол. Ўзбекистон кубоги. 1/4 финал.

17.20 «Эртага футбол».
17.45 Дзюдо. Ўзбекистон чемпионати.
18.15 «Спорт – менинг ҳаётим».

РТР

3:00 «Доброе утро, Россия!»
6:45 Сериал «Тайны следствия-3. Покушение».

30-й канал

9.00 Дастурнинг очилиши
9.05, 17.30, 20.45 «Телехамкор»
9.30, 14.10 Детский час

ОРТ

6.00 Телеканал «Доброе утро»
9.00, 12.00 Новости
9.05 «Улицы разбитых фонарей-5».

ДТВ

9.30 Мультфильмы.
10.00, 20.00 Сериал «ДЕРЗКИЕ И КРАСИВЫЕ».

НТВ

6:00 УТРО НА НТВ
8:45 Сериал «РОКИРОВАКА»
10:00 «СЕГОДНЯ УТРОМ»

13.30 Фильм «КРЫША МИРА».
15.25 Гомеопатическая аптека «Доктор-Н».
15.30, 20.30 Док. сериал «Борьба за выживание».

16.00, 21.00, 0.10 Реалити-шоу «12 негритят».
17.00, 20.00, 0.55 «Окна». Ток-шоу.
18.00 Школа ремонта.

СТС

8.00 «ПРИКЛЮЧЕНИЯ ЧЕРНОГО МУСТАНГА». Сериал.
8.30, 9.00, Мультфильмы

7 ТВ

8.00 Горячая семерка.
8.30 Звезды мирового спорта.
8.40; 14.15, 22.00 Шоу футбольной Европы.

ТНТ

5.55, 6.40 Мультфильмы.
6.15, 19.30, 0.15 Москва: инструкция по применению.

СТС

8.00 «ПРИКЛЮЧЕНИЯ ЧЕРНОГО МУСТАНГА». Сериал.
8.30, 9.00 Мультфильмы

РТР

3:00 «Доброе утро, Россия!»
6:45 Сериал «Тайны следствия-3. Покушение».

НТВ

6:00 УТРО НА НТВ
8:45 Сериал «РОКИРОВАКА»
10:00 «СЕГОДНЯ УТРОМ»

ДТВ

9.30 Мультфильмы.
9.57 Урожайная грядка.
10.00, 20.00 Сериал «ИСТОРИИ О ПРИВИДЕНИЯХ».

ТНТ

5.55, 6.40 Мультфильмы.
6.15, 19.30, 0.30 Москва: инструкция по применению.

СТС

8.00 «ПРИКЛЮЧЕНИЯ ЧЕРНОГО МУСТАНГА». Сериал.
8.30, 9.00 Мультфильмы

7 ТВ

8.00 Горячая семерка.
8.30 Звезды мирового спорта.
8.40, 14.15, 22.00 «Футбол Италии».


ТВ 3

8.30 «Победоносный голос верующего».
9.00 Мультфильм
9.30 Фильм «НАСЛЕДНИЦЫ».

ТНТ, жума
22.00 Комедия «БАГСИ МЭЛОУН»
Нью-Йорк, 1929 йил. Спиртли ичимликлар ичишни таққикловчи қонун қўраги кириб, гангстерлар уруши авжига чиққан давр. Денди Дэн ўзининг ашаддий ганими бўлган Семиз Сэмнинг яширин тунги клубини йўқотишга аҳд қилади.



СТС, жума
23.00 Фантастика «ҚОРА КИЙИМ-ДАГИ ОДАМЛАР»
Сайёрамаизга минглаб космик сайёҳлар ташриф буюришади. Ўзга сайёраликларнинг хатти-ҳаракатларини кузатиш учун махсус махфий бюро тузилади. Бу хизмат Марказий разведка бошқармасидан ҳам махфийроқ, Федерал тергов бюросидан ҳам қудратлироқ. Унинг агентлари – қора кийимдаги кишилар ерлик одамлар ўзга сайёраликлар билан муносабатга киришган жойларда пайдо бўлишади...



НТВ, шанба
20.00 Жангари фильм «ШЕРНИНГ ЧЕКИГА ТУШГАН ВАЗИФА»
Федерал тергов бюроси ходимлари анча илгари йўқатиб қўйилган, ихчам ядро бомбаси ўрнатилган контейнерни топишади. Уни очишга уришишганда бомба механизми ишга тушиб кетади. Портлашга атиги бир неча соат қолган. Хабар тарқалмаслиги учун бу иш бир пайтлар «Шер» бўлинмасига сардорлик қилган, истефодаги полковник Фелинга топширилади. Эндиликда бизнес билан шуғулланган Филин ўзининг собиқ ходимлари – хусусий тансоқчи Кит ва пианиста, ишсиз Еж билан масъулиятли, махфий топшириқни бажаришга киришади.



РТР, якшанба
21.10 Бадийий фильм «ОЛТИНЧИ СЕЗГИ»
Саққиз ёшли Коул Сир кўзига шарпалар кўриниб туришини бошқалардан сир тутди. У соялар оламидан ташриф буюривчи лардан кўрқиб қолган. Аммо ўзининг келажакдаги вазифасини англаб етишга ҳам, тортган азоб-уқибатларини катталарга хикоя қилиб беришга ҳам ҳали ёшлиқ қилади. Фақат болалар рухшуноси Малколм Кроугина бундан истисно.







## СПОРТ+ФУТБОЛ

## БАЙРАМ ТУҲФАСИ



Машҳур гимнастикачимиз Оксана Чусовитинани дунё танийди. Спорт гимнастикасида тасаввур доирасига сиймайдиган кўрсаткичларни қўлга киритаётган Чусовитина Халқаро хотин-қизлар байрами арафасида яна бир бор ўта муҳим ғалабасини юртга тортиқ қилди.

Германиянинг Котбус шаҳрида бўлиб ўтган Жаҳон кубогида ҳамюртимиз таяниб сакраш машқида тенгсиз эканлиги намойиш қилди ва америкалик Шир ҳамда Синклерларни ортда қолдирган ҳолда шохсупанинг энг юқори погонасига кўтарилди. Биз унга Афина-2004 мусобақаларида ҳам улкан зафарлар тилаб қоламиз.

КУЧЛИЛАР  
ДОИМ ҒОЛИБ

**ЖИЗЗАХ** вилояти ички ишлар идоралари ходимлари ўртасида спорт мусобақаларини ўтказиб туриш анъанага айланган. Навбатдаги беллашув қўл жанги бўйича бўлди. Милиция ходимлари хизмат давомида соғлом, эпчил ва кучли бўлишлари кераклигини намойиш этишди. Умумжамоа ҳисобида вилоят ИИБ ППХ ва ЖТСБ вакиллари 1-ўринни эгаллашди. Зоминлик йигитларга иккинчи, Дўстлик тумани спортчиларига эса учинчи ўрин насиб этди.

Ходимлардан Ю. Субҳонкулов, Ф. Қодиров, В. Шарипов, Ш. Сафаров, У. Худойбердиев, Ш. Қодировлар ўз вазн тоифалари бўйича шохсупанинг юқори погонасидан жой олдилар.

Б. БЕГИМҚУЛОВ.

\*\*\*

**КАШҚАДАРЁ** вилояти Ички ишлар бошқармаси томонидан ҳам спортнинг бир қатор турлари бўйича мусобақалар ўтказишга катта аҳамият берилмоқда.

Яқинда "Динамо" спорт мажмуи стадионида спортнинг югуриш тури бўйича йилнинг дастлабки мусобақаси бўлиб ўтди. Унда йигирмадан ортиқ жамоалар иштирок этди. Мусобақалар якунига кўра умумжамоа ҳисобида вилоят миллий хавфсизлик хизмати ходимларининг ғолибликни қўлга киритишди. Ёнғин хавфсизлиги бошқармаси иккинчи, вилоят Ички ишлар бошқармаси учинчи ўринларни қўлга киритиб, ғолиблик шохсупасига кўтарилишди. Ғолибларга вилоят ИИБ фахрий ёрликлари ҳамда қимматбаҳо совғалар топширилди.

Б. ЭРГАШЕВ.

## ПОЛВОНЛАР ГИЛАМДА

"Динамо" спорт мажмуида Хоразм вилояти ички ишлар бошқармаси ходимлари ўртасида миллий кураш бўйича шаҳар ва туман ички ишлар бўлими ҳамда соҳавий тизимлардан юз нафарга яқин полвонлар иштирок этган мусобақа ўтказилди.


Муросасиз ва қизиқарли кечган беллашувлар якунида ғолиблар аниқланди. Умумжамоа ҳисобида вилоят ИИБ биринчи, Урганч шаҳар ИИБ иккинчи ўринни эгаллади. Ҳакамлар қарорига кўра учинчи ўринга бир хил кўрсаткичга эга бўлган икки жамоа – Питнак шаҳар милиция бўлими ҳамда вилоят ИИБ ППХ ва ЖТСБ муносиб деб топилди.

Ўз вазн тоифасида Урганч шаҳридан Одилбек Жуманиёзов, бошқарма ходимлари Юсуфбой Сафоев, Умрбек Салаев, Руслан Сафоев, питнаклик Алижон Абдуллаев, вилоят ИИБ ҳузуридаги кўриқлаш бўлими ходими Бозорбой Норбоевлар ғолиб чиқишди.

Мусобақа ғолибларига диплом ва эсдалик совғалари топширилди. Ғолиб полвонлар 25-28 март кунлари Тошкентда бўлиб ўтадиган республика мусобақасида вилоят шаънини ҳимоя қиладилар.

М. АБДУЛЛАЕВ.  
Хоразм.

4 март куни футбол бўйича Ўзбекистон XIII миллий чемпионати бошланди ва шу куни 1-тур учрашувлари бўлиб ўтди. Уларда қайд этилган натижалар мухлисларда ҳам, мутахассисларда ҳам турлича фикр уйғотди.

МАВСУМНИНГ  
ИЛК УЧРАШУВИ

Энг аввало, Тошкентнинг янги жамоаси – Олий лигада илк бор тўп сураётган "Локомотив" барчани хайрон қолдириб, Самарқанднинг "Самарқанд-Д" жамоаси устидан 4:0 ҳисобида устун келди. "Жар" ССМ стадионида ўтган учрашув темирўлчиларнинг тўлиқ устунлигида ўтди деб бемалол айтиш мумкин. Тўғриси, мамлакатимизнинг кучли жамоалари қаторида саналувчи "Самарқанд-Д" жамоасининг шу куни ўйини ҳеч қовушмади.

2-тур учрашувини "Локомотив" яна ўз майдонида 9 март куни Қаршининг "Насаф" жамоасига қарши ўтказди.

Анчагина мухлисларни жамлаган ушбу учрашув ҳақиқатан ҳам "Локомотив"нинг нималарга қодирлигини, чемпионатга жуда пухта тайёргарлик кўрганлигини кўрсатиб берди. "Насаф"дек кучли жамоа ҳам мезбонларга бас кела олмади. Биринчи бўлимнинг 9-дақиқасида Учқун Қобилов киритган тўп билан мезбонлар кичик устунликда танаффусга чиқдилар. Иккинчи бўлимнинг 74-дақиқаси яна Учқун Қобиловга омад келтирди ва у дублга эришди. "Насаф" футболчилари қанчалик уринишмасин, бу ҳисобни ҳеч бўлмаса қисқартириш имконини ҳам топа олишмади – 2:0. Икки тур натижаларига кўра "Локомотив" ҳозирча чемпионатнинг кичик кашфиётига айланди.

1-турда "Трактор" меҳмони бўлган "Пахтакор" жамоаси яна эски "хунар"ни бошлади. Ўтган йилги мавсумда кўп бора қайд этилган йирик ҳисобдаги ғалабалар бу йилги чемпионатнинг дастлабки туридаёқ такрорланди. Қизиги шундаки, биринчи бўлимда дарвозалар дахлсиз қолди. Аммо танаффусдан сўнг биринчи уринишдаёқ З. Тожиев (46-дақиқа) "Пахтакорни олдинга олиб чиқди. Орадан уч дақиқа ўтиб, Л. Кошелев (49) ҳисобни оширди. Шундан сўнг З. Тожиев

яна бир бор (68) ўзини кўрсатди, С. Жепаров (86) ва Б. Ваҳобовларнинг (90) муваффақиятидан кейин эса ҳисоб 5:0 га етди.

Қаршида бўлиб ўтган "Насаф"-"Машъал" (Муборак) учрашуви жуда қизиқарли кечди. Муборакликлар ушбу баҳсда 1:2 ҳисобида имкониятни бой берган бўлсалар-да, чиройли ўйинлари билан барчада яхши таассурот қолдирдилар. Чемпионат давомида ушбу жамоа яхши маънода ҳали кўп "хунар"лар кўрсатишга қодир.

Таркибига нигериялик футболчини кўшиб олган "Навбахор" 25 мингдан зиёд мухлислари ол-

риқлари ва кўп бора эслатаётганимиз, мавсумнинг энди бошланганлиги мағлубият сабабчиси бўлди.

Ўтган мавсумда мухлисларини анчагина ранжитган "Андижон" ҳам бу йилги чемпионатга пухта ҳозирлик кўрган кўринади. Жамоа сафарда "Сўғдиёна"га қарши майдонга тушиб, 1:1 ҳисобида дурангга эришди ва андижонлик футбол ишқибозлари қалбига умид учкунларини ёқишди.

Мамлакатимиз чемпионатининг кумуш медали совриндори "Нефтчи" жамоаси "Бухоро" меҳмони бўлди. Осиё Чемпионлар лигасида икки бор мағлубият ала-



қиши остида Бекободнинг "Металлург" жамоасини қабул қилди. Наманганликларнинг бу йилги ниятлари улкан. Жамоа бош мураббийи В. Жалиловнинг сўзларига суянадиган бўлсак, ҳам чемпионлик, ҳам кубок соҳиби бўлиш учун "Навбахор" энг катта даъвогарлардан бири. Ушбу учрашувда 3:0 ҳисоби қайд этилди. Бекободликлар йирик ҳисобда мағлуб бўлган бўлсалар-да, уларнинг имкониятлари анча юқори эканлигини таъкидлаб ўтиш ўринли бўларди. Улар мезбонларга қарши жуда чиройли ўйин намойиш этишди. Аммо омаднинг юз ўгириши, маҳаллий мухлисларнинг тинимсиз ҳайқи-

мини тотган фарғоналиклар ҳалибери таслим бўлиш фикридан йироқ эканликларини исботлашга ҳаракат қилиб, унинг урдасидан чиқишди. Улар мезбонлар дарвозасини тўрт бор ишғол қилган ҳолда ўз дарвозалари дахлсизлигини таъминладилар.

"Қизилқум"-"Сурхон" беллашуви мезбонлар фойдасига ҳал бўлди – 2:1.

Кеча "Андижон"-"Навбахор", "Нефтчи"-"Қизилқум", "Пахтакор"-"Самарқанд-Д", "Машъал"-"Сўғдиёна", "Металлург"-"Бухоро", "Сурхон"-"Трактор" жамоалари 2-тур учрашувларини ўтказишди.

## ФЕВРАЛЬ ОЙНИНГ ЭНГ ЯХШИ ФУТБОЛЧИСИ

2004 йилдан буён Россияда чоп этиладиган "Спорт-экспресс" газетаси томонидан ҳар ойда МДХнинг энг яхши ўйинчиси аниқланади. Унда ўн беш мамлакатдан биттадан нашрлар ўз овозларини беришади.



Январь ойида Испаниянинг "Реал Сосьедад" жамоаси ярим ҳимоячиси россиялик ўйинини томоша қиладиган мухлислар унинг ҳақи равишда "энг яхши" номини бежизга олманглигини билишади. Ҳозир-

да Шевченко Италия чемпионати тўпурари бўлиб турибди.

Овоз беришда Ўзбекистон номидан Андижонда чоп этиладиган "Футбол-Экспресс" газетаси иштирок этди.

Саҳифа материалларини Эркин САТТОРОВ тайёрлади.

Ёднома

# ЯХШИЛАР ЁҚҚАН ЧИРОҚ

**Шундай инсонлар борки, босиб ўтган ҳаёт йўли кўпчиликка ибрат бўлса арзийди. Раҳматли Олимжон Муротбеков меҳнатсеварлиги, жонкуярлиги билан кўпларнинг ҳурматини қозонган ана шундай инсонлардан бири эди.**



Олимжон ички ишлар идораси ходими оиласида ўсиб, улғайди. У эсини танигандан отаси, милиция майори Ботирбек Муротбеков, акалари – полковник Мирзабек ва подполковник Йўлдошбекларнинг (ҳаммаларини Худо раҳмат қилган бўлсин!) эгиларига ярашган милиция кийимига ҳавас билан қаради. Кўпинча уларнинг беором хизматлари юзасидан қизғин баҳслашаётганининг шохиди бўлар экан, милиционерликка ҳаваси ортиб борди.

Болалигидан унинг қалбида уйғонган касбга меҳр воёга етгач шу соҳага етаклади. Олимжон дастлабки иш фаолиятини Тошкент шаҳар ички ишлар Бош бошқармасида бошлади. Касбини жон-дилдан севгани учун республика ИИБ Жазони ижро этиш тизимига ўтказилиб, умрининг охиригача шу соҳада хизмат қилди.

– 1980 йилнинг охирида Юнусобод даҳасининг 15-мавзесида кўчиб келдик, – дейди уруш ва меҳнат фахрийси Ваҳоб ота Умаров. – Қўшнилари-миздан бири – Олимжон Муротбеков қисқа муддатда ҳам-манинг бошини қовуштириб, маҳалла аҳлини меҳр-оқибатли инсонларга айлантирди. У масъул лавозимда ишлар, бўш вақти кам бўлса-да, қўшнилardan ҳол-аҳвол сўраб, зарурат туғил-

са, ёрдам беришга ҳамиша вақт топарди. Олимжоннинг яна бир фазилати – ёшларни доимо ўқиш, касб-ҳунар ўрганишга ундирди. У кишининг шарофати билан ҳозир маҳалламизда авточилангар, сартарош, шифокор каби кўплаб касб-ҳунар эгалари бор. Улар ҳамиша Олимжоннинг хотирасини фахр билан ёдга оладилар.

– Олимжон камтарлиги, ёшларни ўз кучи, иқтидорига ишонтира олиши билан ажралиб турарди, – дея эслади маҳалла кексаларидан бири Эгамназар Қодиров. – У ҳеч қачон “мен фалончиман” дея кеккаймавди. Қаршида турган, йўлда учраган ёш-яланг билан самимий сўрашиб, ўқиши, иши ҳақида суриштирар, “фалон жойда сенбоп иш бор-да” ёки “фалон жойда ҳайдовчиликка ўргатадиган ўқиш бор экан, ҳайдовчиликни яхшилаб ўрганиб олсанг, ўзим ишга жойлаб қўяман” деб уларнинг кўнглини кўтарарди. Ҳозирда оилали, фарзандларнинг отаси бўлган Дониёр, Комилжон, Жалолдин каби йигитлар ўзлари эъозлаб келаётган касб этагидан тутишларига сабабчи бўлган Олимжон Муротбековдан миннатдор.

Маҳалламиз фахри, ифтихори бўлган ички хизмат подполковниги Олимжон Мурот-

беков айна куч-қувватга тўлган 51 ёшида тўсатдан ҳаётдан кўз юмди.

– Олимжон ака қисқа умрлари давомида ёниб, бошқаларни ҳам шунга ундаб яшадилар, – дея кўзларига ёш олади у кишининг рафиқаси Моҳирахон. – Ҳалигача ҳамкасблари “Олимжон ака ҳаётга бир келди-ю, ҳаммани эзгу ишларга ундаб кетди” дея эслашади.

Ўғлимиз Нодирбек раҳматли буваси, амакилари ва отасининг ишини давом эттирмакда. У Тошкент шаҳар ИИББ ЙХХБ ходими, милиция майори. Шунингдек, Олимжон аканинг укалари, милиция подполковниги Бахтиёр Муротбеков ҳам ички ишлар идораларида кўп йиллардан буюн хизмат қилади. Ишонманки, набираларим ҳам улар изидан бориб, эл осойишталигини таъминлашга муносиб ҳисса қўшадилар.

Муротбековлар сулоласи ҳақида сўз юритар эканмиз, яхшилар ёққан чироқни авлодлари асло ўчирмаслигига амин бўлдик. Умрини халқ йигитлар ўзлари эъозлаб келаётган касб этагидан тутишларига сабабчи бўлган Олимжон Муротбековдан миннатдор.

Маҳалламиз фахри, ифтихори бўлган ички хизмат подполковниги Олимжон Мурот-

**Шаҳзода ХУДОЙБЕРДИЕВА.**

**– Нормирза ака оламдан ўтибди!**

**Бу шум хабарни эшитган Тошкент шаҳар ИИББ ЙХХБ 3-отряди 6-сафарбарлик гуруҳи ЙПХ инспекторлари қулоқларига ишонмадилар. Сабаби, гуруҳ сардори, милиция майори, жонкуяр ва талабчан устоз Нормирза Аҳмедов ўн йилдирки, ҳамкасблари билан бирга эди. У “касалман” деб бирор кун ишга чиқмаганини эслашолмайди. Шундай соғлом, қадамдан ўт чақнайдиган 48 ёшли инсон қандай қилиб тўсатдан оламдан ўтиши мумкин? Аммо ўлим ҳақ.**



## УСТОЗ ЎГИТЛАРИГА АМАЛ ҚИЛИБ

– Нормирза ака билан хизматни ўтаган одам сира чарчамас, вақт ўтганини билмасди, – дейди ЙПХ инспектори, милиция старшинаси Р. Ҳакимов. – У ходимларга нафақат касб сирларини ўргатар, ҳалол ва жасур бўлиши, ҳамиша ўз устида ишлаб, жисмонан чиникиши зарурлигини қайта-қайта уқтирарди. Устознинг насиҳатларига амал қилиб кам бўлмадик. Лекин у айна куч-қувватга тўлган, қирчиллама ёшида орамиздан кетди.

– Хизматни асосан Беруний, Ф. Фулом, Себзор, Абдурахмонов (собиқ София) кўчалари, “Эски жува” бозо-

ри худудларида ўтаймиз, – дея гапга қўшилишди милиция сержанти А. Габитов ҳамда милиция старшинаси З. Давлатовлар. – Мабодо, бирорта автомобиль олиб қочилса ёки шунга ўхшаш воқеа юз бериб қолса, у киши ўша жойга яқин кўча, ҳатто кичик йўлақларни номма-ном айтиб берар, бари қайси кўча билан туташганини яхши биларди. Унинг кўрсатмаси бўйича иш тутиб, ютқазмасдик. Бозор атрофида турганимизда эса бирор ноҳўя ишга қўл урган одамни ички туйғуси билан ҳис қиларди. Шу тариқа бир неча марта аёлларнинг бўйнидаги

занжир ёки қўлидаги сумкасини тортиб олиб, қочиб кетаётган безориларни ушлаганмиз...

Нормирза ака бугун орамизда йўқ. Лекин ундан биз, шогирдларига оталарча ғамхўрлиги, панд-насихатлари, дўстона кўмаклари, меҳрибонлиги – инсонийлиги хотира бўлиб қолди. Устоз билан бирга ишлаган йилларимиз билим ва тажриба тўплаш даври бўлди. Нормирза акадан ўрганганларимизни ҳаётга татбиқ этиб, у талаб қилганидек ҳалол, пок, ўз касбига содиқ инсонлар бўлиб қолишга ҳаракат қилаяпмиз.

**Бахтиёр ЮСУБОВ,**  
милиция капитани.

Ножўя иш – келтирар ташвиш

Мустақиллик туфайли нафақат юрти-миз, балки хорижий давлатларда ҳам ишлаш, ўқиш ва яшаш ҳуқуқига эга бўлдик. Аммо бунинг учун маълум қонун қоидаларга риоя қилишга тўғри келади. Бирок айрим фуқаролар ўрнатилган тартиб қоидаларни четлаб, ноқонуний йўллар билан четга чиқишга, тўғрироғи, айрим содда фуқароларни алдаб, улар кучидан ўз манфаати йўлида фойдаланишга уринмокда. Мана шундай учар шахсларнинг ҳийла-найрангларини фош этиш борасида ички ишлар ходимлари томонидан бир қатор ишлар амалга оширилмокда. Бу ҳақда Самарқанд вилояти ИИБ ҲООБ бошлиғи, милиция подполковниги Самандар Мўминов куйидагиларни сўзлаб берди.

## ОРЗУ ҚАЙГУГА АЙЛАНМАСИН

– Сўнгги вақтларда фуқароларни чет элларга алдов йўллари билан олиб чиқиш, айниқса, аёллардан шахвоний мақсадларда фойдаланиш, улар арзон ишчи кучи сифатида сотиб юборилаётгани юрти-миз, миллатимиз шаънига иснод келтирмокда.

Республика ҳуқуқни муҳофаза қилиш идоралари, жамоат ва нодавлат ташкилотлари ҳамкорлигида бу турдаги жиноятларнинг олдини олиш, унга қарши курашиш борасида қатор тадбирлар амалга оширилаётганига қарамай айрим юртдошларимиз алдовлар қурбони бўлиб қолишаётгани, улар орасида аёллар ва қизлар борлиги ҳақида тезкор маълумотлар олинмокда. Айрим ҳолларда эса жабрдийдаларнинг ўзлари бизга ёрдам сўраб мурожаат қилишяпти.

Масалан, фуқаролар К. Жумаева ва Б. Азизовалар (исм-шарифлари ўзгартирилган) ўз аризаларида Самарқанд шаҳар Беруний кўчасида яшовчи аёл – С. Мирзаева уларни алдаб, Бирлашган Араб Амирликларига олиб бориб, фоҳишабозлик билан шуғулланишга мажбур қилганлигини билдиришди. Ушбу ҳолат бўйича тезда тезкор тергов ва қидирув ишлари олиб борилди. Ҳақиқатан ҳам С. Мирзаева аёлларни алдаб, чет элга жўнатиб, сўнг ҳужжатларини олиб кетиб, бегона эркак ва аёллар уларни фоҳишабозлик билан шуғулланишга мажбур қилишгани аниқланди. У қонун бўйича тегишли жазо олди.

Айрим қизларимиз хорижий давлатларда ишлаш билан боғлиқ тартиб-қоидалардан етарли хабардор эмас-

лиги, мўмай даромад орттириш пайида юришгани С. М.га жуда қўл келган. Натижада уларни осонгина алдаб, ёлғон ваъдалар бериб, қинғир йўллар билан чет элга олиб чиқиб кетган.

Шунинг учун биз, барча ички ишлар ходимлари, айниқса профилактика инспекторлари маҳаллаларда яшовчи фуқароларни чет элга юбораётган шахсларни аниқлашга алоҳида эътибор қаратаяпмиз. Ўтказилган тадбирлар натижасида Самарқанд шаҳар Темир йўл туманида яшовчи аёл Т. Бурхонова, Бухоро шаҳрилик Ф.Алиева ва Д. Холоваларни алдаб, уларни хорижий давлатларда фоҳишабозлик билан шуғулланиш учун ёллаб, 400 АҚШ доллари олаётган вақтида ушланди.

Ҳозирда ҳар бир маҳалла, мактаб, таълим муассасалари, ташкилот ва идораларда ўтказилаётган йиғилишларда алданган аёллар тақдири мисолида бошқалар бунга йўл қўймаслиги атрофлича тушунтирилмокда. Шунингдек, профилактика инспекторлари маҳаллаларда Россия, Қозоғистон ва бошқа мамлакатларга ҳамқишлоқлари, маҳалладошларини тўплаб, иш топиб бериш мақсадида олиб кетаётган фуқароларни аниқлаб, улар билан алоҳида суҳбатлар уюштиришяпти.

Чет элга чиқишни орзу қилган фуқароларимизга маслаҳатимиз шуки, агар хорижга катта орзулар билан бориб, қайтишда қайғуга учраб қолмай десангиз қонуний йўл тuting!

**Шухрат РЎЗИЕВ**  
ёзиб олди.

## ФИРРОМЛИК

Комила тижоратда ўзини синаб кўриш мақсадида кўшни республикадан ул-бул келтириб, тирикчилик қилаётганди. Кунларнинг бирида Гуля, Талгат, Марат исмли шахслар билан танишиб қолди. Уларнинг “бизнеси” Комилага маъқул бўлди. Ҳар ҳолда сумка кўтариб эшик-ма-эшик юриш, текшир-текширлардан кўра жўн ва хавфсизроқ кўринди. Улардан йўл-йўриқлар олгач, ишга киришди. Энди у одамларни алдов йўли билан худудимиздан олиб чиқиб, ишга ёллаб ишлата бошлади.

Замирида қандай меҳнат, машаққатлар ётганини ўйламай бунга рози бўладиганлар кўп эди. Ҳар ернинг ўз тошу тарозиси борлигини унутиб қўйган Комила мижозларига “далада ишлайсизлар, ойига ка-

мида 50-70 минг тенге оласизлар”, деб ваъда берарди. Шу тахлит ҳар бир ишчи кучи учун 500 тенгедан ишлаб оларди. Бора-бора бу ишга вояга етмаганларни ҳам ундай бошлади. Масалан, Умар ва Сайфи ёзги таътилда пул ишлаш учун Комиланинг алдовларига учиб ёз давомида тинмай меҳнат қилганларига қарамай мири ҳам бир тийин олишолмади. Деярли мажбурлаб ишлатилган Убайдулло, Сафар, Меҳринисоларга ҳам ваъда қилинган пуллар берилмади. Улар ҳақларини талаб қилиб Комиланинг устидан ички ишлар идораларига ариза билан мурожаат қилишга мажбур бўлдилар.

Чирчиқ шаҳар суди бу ишни атрофлича ўрганиб чиқиб, судланувчи томонидан содир этилган жиноятнинг хусусияти, хавфлилик даражасини инобатга олиб, Комилани беш йил муддатга озодликдан маҳрум этди.

**Ш. АНВАРОВ.**

## Саломатлик сабоқлари

Халқимизда "Сен дўстинг кимлигини айт, мен сенинг кимлигингни айтаман" деган ибора бор. Кишининг тишига қараб ҳам кўп нарсани билиб олиш мумкин экан.

Сўнги пайтларда кексайгунча лоақал тишларининг ярми сақланиб қолган одамлар тобора кам учраяпти. Ҳатто болалар орасида ҳам стоматологга мурожаат қилаётганлар анча-мунча. Шунинг учун бу гал тишларнинг саломатликка боғлиқлиги жусусида фикр юритмоқчимиз.

# ТИШЛАР НЕГА КАСАЛЛАНАДИ?

## БАРЧАСИ ТИШДАН БОШЛАНАДИ

Айримлар овқат ҳазм қилиш аъзолари хасталикка чалинган кишиларнинг тишлари ҳам касалланади, дейишади. Аслида эса аксинча. Яъни, овқатни яхши чайнай олмай диган тишлар ошқозон ва ичакларнинг хасталанишига олиб келади. Агар тишлар овқатни яхши чайнаса, бу жараёнда ушалмас, оғримаса, милклар қонамаса, демак, егуликлар яхши ҳазм бўлади. Биз имкон қадар сабзавот, полиз маҳсулотлари, мевалар, кўкатлар истеъмол қилишимиз керак. Ҳар ҳолда, таомномамизнинг ҳеч бўлмаганда 40 фоизини ана шу маҳсулотлар ташкил этса яхши бўлади. Чунки бу организмимиз эҳтиёжларига тўғри келади.

## ФЕЪЛ-АТВОР ВА ТИШЛАР

Тишларнинг аҳволи кишининг феъл-атвори боғлиқ экан. Ўзига ишонган, қатъиятли, интилувчан, аниқ мақсадли кишининг тишлари бўшанг, иккиланувчи, бошқаларга суянувчи одамниқидан соғломроқ бўлади. Масалан, аёлларнинг тишлари эркакларникига қараганда касалмандроқ. Чунки улар кўпроқ оила бошлиғига таянишади. Сўнги вақтларда эркаклар орасида ҳам тиш оғригидан нолийдиганлар кўпайиб қолди. Уларнинг аксариятини иродасиз, масъулиятдан қочувчи кишилар ташкил этади.

## ЎЙ - ФИКРНИНГ ҲАМ ТАЪСИРИ БОР

Тишлар гўё киши саломатлиги, ҳаётининг кўзгусидир. Кимнинг аксар тишлари бутун бўлиб, садафдек ялтираб турса, демак, ишлари жойида, у ҳаётдан мамнун. Кўпинча турли пасталар ва сақичларни тишларни яхши асровчи во-

сита сифатида реклама қилишади. Ваҳоланки, токи соғлом турмуш тарзига риоя этиб, ўй-фикрингизни яхшилик сари бурмас экансиз буларнинг бирортаси ҳам сизга ёрдам беролмайди.

Масалан, бошқалар ҳақида

ёмон ўйга борадиган, гапирадиган кишининг тиши пародонтоз касаллигига дучор бўлади. Агар у тўғри хулоса чиқариб, ўй-фикрини яхшилик сари бурса, орадан бир ойлар ўтиб, милклардаги патологик жараёнлар тўхтайд.

## ТИШ ВА БОШҚА АЪЗОЛАР БОҒЛИҚЛИГИ

Тишлар деярли барча аъзоларимиз билан боғлиқ. Улар фаолиятидаги бузилиш дарҳол тишларда акс этади. Хусусан:

- тишлар устини сариқ модда қопласа, жигар ёмон ишлаётганидан дарак беради;

- тишлар устини оқ модда қоплаши ошқозон ости беши фаолиятининг бузилгани аломатидир;

- милклар оқарса, ё қонингиз кам, ё қон босимингиз паст бўлади;

- милклар қип-қизил бўлса аксинча, қон босими юқорилиги ёки йўғон ичакнинг хасталигидан нишонандир.

## ТИШНИ АСРАШ ЙЎЛЛАРИ

1. Авваламбор кўпроқ хом сабзавотлар ва мевалар истеъмол қилиш керак. Сабзи ғажинг, қаттиқ олмаларнинг ҳаммага нафи тегади.

2. Ҳар куни эрталаб ва кечкурун тишингизни ювинг. Ҳеч бўлмаса ҳар ойда паста турини ўзгартириб турунг.

3. Арча, қарағай, эман баргини чайнаш жуда фойдали. Уларни шошмасдан, секин, то бўтқа ҳолига келгунча чайнанг, сўнг туфлаб ташланг.

4. Вақти-вақти билан бир ош қошиқ денгиз тузини бир ош қошиқ ўсимлик ёғига аралаштириб, уйқу олтидан тишингизга ишқаланг. Сўнг оғизни чайиб ташлашнинг ҳожати йўқ.

5. Одатдаги, қиздирилмаган писта ёғи билан оғзингизни чайинг. Аввалига у қуйилади, сўнг суйилиб, оқаради. 20-25 дақиқа давомида чайгач, ёғни туфлаб ташланг. Бу муолажани бир ой давом эттиринг.

6. Баҳорда, ёзда (овқатдан кейин) ялпиз, отқулоқ баргини обдон чайнаб енг.

7. Совуқ сув ёки денгиз тузи аралаштирилган сув билан оғзингизни чайсангиз, тиш ва милкларингиз мустаҳкамланади.

8. Ширинлик ҳаммаша тишга зиён. Агар ширинлик еган бўлсангиз, кетидан албатта оғзингизни чайиб ташланг. Чипсалар, гамбургерлар ва бошқа шунга ўхшаган овқатларнинг ҳам зарари катта. Уларни иложи борича камроқ истеъмол қилинг.

Агар тишларингизни асрасангиз, ҳатто бошланган кариес (емрилиш) жараёни ҳам тўхташи мумкин. Хасталик бошқа тишларга ўтмайди. Ҳа, уларни асраб-авайласангиз, узок йиллар протезларга муҳтож бўлмайсиз.


## САҚИЧ ЗАРАРЛИМИ?

Ҳозир айниқса ёшлар орасида юрган йўлида сақич чайнаш русм бўлган. Хўш, бу одат зарарлими?

Сақичнинг асосини Марказий Америкада ўсадиган саподилла дарахтининг шарбати ёки баъзи бир нина баргли дарахтларнинг муми ташкил этади. Бундан ташқари хушбўй хид ва ёқимли таъм берувчи бошқа моддалар ҳам қўшилади. Булар ментол, ялпиз суви, глюкоза кабилардир.

Сақич чайнашни фақат овқатлангандан кейин тавсия этамиз. Бу жараёнда тишлар тозаланади, овқат ҳазми учун керак бўлган ошқозон шираси ажралиб чиқиши ошади. Сақични узоғи билан 5-7 дақиқа чайнаш мумкин. Унга ранглар қўшилмагани маъқул. Акс ҳолда аллергия кўзгаши эҳтимоли бор (айниқса, болаларда).

Оч қоринга сақич чайнасангиз, гастритга ёки ошқозон-ичак яраси касаллигининг кучайишига сабаб бўлади. Шунингдек, мунтазам сақич чайнаб юриш юқори ва паст жағларни боғловчи бўғинларнинг хасталанишига ҳам сабаб бўлиши мумкин деб ҳисобланади.



## САРАТОН БЕДАВО ДАРД ЭМАС!

Одамлар касалликлар ичида ҳаммасидан ҳам кўпроқ саратон хасталигига чалинишдан қўрқибди. Чунки бу дардни бедаво деб ҳисоблашади. Аслида шундайми? Сўнги ўн йил ичида у бедаво хасталиклар рўйхатидан ўчирилиб, узоқ вақт, қийинчиликлар билан даволаса бўладиган касалликлар сирасига кирди, дейиш мумкин.

Саратон – турли касалликларнинг умумий номидир. Уларнинг ўхшаш томони – у ёки бу аъзода зарарли ўсимта пайдо


бўлади. Зарарсиз шишлардан фарқли ўлароқ бу ўсимта тез ўсади, организмга қарши курашади, бошқа аъзоларга зарар келтириш ҳисобига кўпаяди.

Онкологларнинг фикрича, катта муаммо шундаки, беморлар шифокорга кеч мурожаат этишади. Ўзингизни муҳофаза қилмоқчи бўлсангиз, ҳар йили бир марта барча мутахассислар кўригидан ўтинг. Саратон қанча эрта аниқланса, уни муолажа қилиш шунча осон, самарали кечади.



## ЧАРЧАШМИ ЁКИ ХАСТАЛИК?

Айрим одамлар доимо чарчаб юришади. Уларнинг тез-тез боши оғрийд. Ишдан келишлари билан ухлагани ётишади. Аммо қани энди уйқулари келса. Туни билан мижжа қоқишолмайди. Эрталаб худди калтаклангандек, зўрға ўринларидан туришади. Ҳозир сурункали чарчаш синдроми ҳақида тез-тез ёзишяпти. Бу хасталикка қарши қандай курашиш мумкин?



Мазкур касалликнинг сабаблари ҳали охиригача аниқлангани йўқ. Аммо шифокорлар уни организмнинг қаршилиги (иммун) тизими бўшаши билан боғлашмоқда.

Ўзига ўта талабчан, мансаб кетидан қувувчи кишилар унга кўпроқ чалинишар экан. Эсингизда бўлсин, қаттиқ ишлаган одам яхшилаб ҳордиқ чиқара билиши ҳам лозим. Дам олмасдан, тинимсиз ишлаш асаб тизимини чарчатади. Агар кунига 12-14 соатлаб ишласан-

гиз, бунинг устига 2-3 пиёла қаҳва ичсангиз, соғлигим жойида деб асло керилманг. Эртами-кечми чарчоқ ўзини билдиради. Шунда қолган кучқувватингизни ишга эмас, даволанишга сарфлашингизга тўғри келади.

Сурункали чарчаш синдроминанинг илк босқичида айнан керагича дам олиш сизга ёрдам беради. Аммо бу тадориқни вақтида кўрмасангиз, кейинроқ ҳордиқнинг ўзи етарли бўлмай қолади.

**Хукм ўқилди**

**Инсон бахтли бўлиши учун кўп нарса керакми? Аслини олганда унчалик кўп нарсанинг кераги йўқ. Дастурхон бошида кексаларимиз дуои фотиҳа қилишганда Яратгандан тансиҳатлик, хотиржамлик, кенг феъл, кетмас давлат сўрашади. Хусусан, дастлабки иккиси бўлмаса кишига кайф-сафо, айш-ишрат, мол-давлат татимайди. Афсуски, одатда олдимиздан оққан сувнинг қадрини билмаймиз.**

Нусрат (барча исмлар ўзгартирилган) ҳаётдан нолиса ношукурлик бўларди. Уйли-жойли, хотини, бола-чақаси, тайинли иши бор. У отасига қарашли фирмада технолог бўлиб ишларди. Аммо кўрпасига қараб оёқ узатмас эди. Ишбилармон кишилар айтмоқчи, пулни топишдан ҳам ишлатишни билмиш керак. Нусрат шунга келганда оқсар, қўлида пул турмасди. Ўзининг топгани ва отаси берганига қандат қилмай яна ошна-оғайнилари-дан қарз кўтариб кайф-сафoga ишлатиб юборди. Олмоқнинг бермоғи бор, дейдилар. Нусрат ўйлаб-ўйлаб машина ўғирлаб сотишга аҳд қилди. Режасини молия институтининг иккинчи босқичида ўқидиган таниши Рустамга айтди. У ҳам дарҳол кўна қолди.

2003 йил 20 февраль куни кечки пайт Нусрат Рустамга кўнғироқ қилиб:

– Бугун режани амалга оширамиз. Ҳозир “Ота полвон” билъярдхонасига етиб кел, – деди.

... Икковлон пойтахтнинг Сирғали туманидаги “Ўзгариш” бекатига етиб келганда соат тунги ўнлар бўлиб қолган эди. Қарашса, бекатдан нарироқдаги дўкон қаршисида “Нексия” машинаси турибди. Ичида ҳеч ким кўринмайди. Омадни қарангки, эшиги ҳам очиқ экан. “Бизга аталгани шу шеклли”, – деб шартта машинага ўтиришди. Аммо моторни ўт олдирувчи калит жойида йўқ эди...

“Нексия” ҳайдовчисининг терговдаги кўрғазмасидан:

“... Ўша куни бошлиқни уйига оқиб кўйиб, сигарет олиш учун “Ўзгариш” бозорчаси яқинида тўхтадим. Шошганимдан машина эшигини кулфламабман. Юз сўмга уч дона “Пайн” олиб келиб машинага ўтирдим. Моторни ўт олдириш учун калитни бураган эдим, орқа ўриндикда ўтирган кимса бўйнимга пичоқ тираб шивирлади: “Солнечный” мавзесига ҳайда!”

Шу пайт ёнимдаги ўриндикда ўтирган бошқа ёш йигит дўк урди: “Ҳайда дегандан кейин ҳайдамайсанми!” “Хўп, ҳайдайман. Фақат пичоғингни бўйнимдан ол, кесиб кетади”, – дедим. Энди пичоқ биқинимга тиралди. Йўлда қаерлик эканим, машина қайси ташкилотга тегишли эканлигини сўрашди. Мен айтдим. “Менга деса прокуратурага қарашли бўлмайми”, – бепарво қўл силтади ёнимдаги. “Не надо,

бўлсангиз керак. Абдужалил 2003 йил апрель ойида Ҳаким деган бир таниши билан “Нексия”ни эҳтиёт қисмларга ажратди. Сўнг танишининг укаси Салим ва унинг ўртоғи Ботирга эҳтиёт қисмларни 2 миллион сўмга баҳолаб топширди.

Икки ҳамтовоқ чироқларни 50.000 сўмга, олд капотни 100.000 сўмга, радиаторни 75000 сўмга, хуллас, жами 590.000 сўмлик қисмларни сотишди. Пулларни ўзаро тақ-

маганда ёнимда ўтиргани машинанинг калитига ёпишди. Орқа ўриндикдагиси елкам, бўйнимга пичоқ санча кетди. Жон ширин. Амаллаб эшикни очиб, машинадан эмаклаб чиқиб қочдим”.

Бу сафар машинани қисмларга ажратиш учун 100.000 сўмга уста ёллашди. Уста машина ўғирлик мол эканини билса-да, таклифга рози бўлди. Бу ҳам етмагандай, ишга ҳали вояга етмаган шо-

# УЧРАШУВ ЖОЙИ...

Рустам”, – дакки берди орқа ўриндикдагиси. Шунда улардан бирининг исмини билиб олдим. Мен йўловчилар мастлигини кўриб, улар манзилларига етишгач, тушиб кетишди, деб ўйладим.

Кўприк остидан ўтиб 500 метрлар юргач, чап томондаги бир қишлоққа бурилишимни буюришди. Йўл лой эди. Машинани тўхтатиб: “Бошқа юриб бўлмайди”, деганимда орқа ўриндикда-

симлаб олиб, ишлатиб ҳам юборишди. Аммо “мол эгаси”нинг “улуш”ини бериш хаёллари ҳам келмасди.

Келишилган пуллар ҳадеганда қўлга тегавермагач Нусрат билан Рустам Абдужалилнинг олдига келишди. У икки тарафни юзлаштирди. Ҳисоб-китоб муддати белгиланди. Аммо “қароқчилар” “ўғирлар”ни бу гал ҳам

гирдларини жалб этди. Икки кун деганда “Тико” ашқол-дашқолга ажратилди. Уста “меҳнат ҳақи”га машинанинг тўртта гилдирагини олиб кетди.

Нусрат “қор ёғиб, излар босилади”, деб пича кутди. Фақат август ойининг бошларидагина эҳтиёт қисмларни сотишга ҳаракат

# БИЛЪЯРДХОНА



килиб кўрди. Аммо жиноятчилар шоҳида юрса, изкуварлар баргида юришади. Кўрилган тезкор чора-тадбирлар натижасида жиний тўда ушланди. Улардан ҳали сотишга улгурмаган “Нексия” ва “Тико”нинг эҳтиёт қисмлари ашёвий далил сифатида олинди. Тўққиз кишидан иборат ушбу жиний гуруҳни зарарсизлантиришда республика ИИБ ЖК ва ТҚКББ ходимлари, милиция подполковниги Зиёвиддин Хўжааҳмедов ва милиция капитани Саидакбар Юнусхўжаевларнинг хизматлари катта бўлганини алоҳида таъкидлаш жоиз.

Яқинда жиний гуруҳ аъзолари устидан суд жараёни бўлиб ўтди. Икки ўсмирга нисбатан амнистия қўлланилди. Уларга хатоларини англаб, тўғри йўлга тушиб олишлари учун имкон берилди. Ботир эса сил хасталигига чалинганлиги ҳисобга олиниб, озодликдан маҳрум этишга шартли ҳукм қилинди. Жиний гуруҳнинг қолган аъзолари турли муддатларга озодликдан маҳрум этилдилар.

Халқимизда бирники минга, мингники туманга, деган нақл бор. Эҳтимол, Нусратга ўхшаган лўттивоз, йўлдан урувчилар бўлмаганда, Рустам тинчгина ўқишини битириб олармиди. Абдужалил билан Абдухалил ота-онасининг бағрини тўлдириб юрармиди. Уста шоғирдларини жиноятга бошлаб, юзи шувит бўлмасмиди. Аммо Аллоҳ ҳар биримизга ақлу фарosat бергани ҳам рост-ку. Шундай экан эс-ҳуши жойида бўлган, вояга етган ҳар бир фуқаро қилмиши учун ўзи жавоб беради.

**Хусан ҲОШИМОВ,**  
милиция майори.

ги кимса яна томоғимга пичоқ тиради. Ўзимни хиёл четроққа олиб у билан олишиб кетдим. Рустам қўлимга, қўлтиғимга, иккинчиси юз-кўзимга пичоқ урди. Амаллаб эшикни очиб қочдим. Даладаги иссиқхоналар орасига бекиндим. Улар етишолмагач сўкина-сўкина орқаларига қайтиб, машинани ҳайдаб кетишди.

Ёрдам сўраб бир хонадонга кирдим. Яхши одамлар машинада яқин атрофдаги ИПХ масканига олиб боришди. Милиция ходимлари аҳволимни кўриб дарҳол “Тез ёрдам” чиқаришди, нима бўлганини сўраб-суриштиришди...

Осонгина “Нексия” қўлга киритилганидан қувониб кетган Нусрат уни тўғри Тошкент тумани Қатортол қишлоқ фуқаролар йиғини ҳудудида яшовчи амакиваччаси Абдужалилникига ҳайдади. Ўзаро маслаҳатлашиб, машинани қисмларга бўлиб, сотадиган бўлишди. Шунақаси хавфсизроқ, деган қарорга келдилар.

Воқеанинг қизиғи энди бошланди. “Ўғрини қароқчи урди” деган нақлни эшитган

аҳмоқ қилишди. Шундан сўнг Нусрат Салим билан ўртоғи ҳали пуллашга улгурмаган олд, орқа ўриндиклар, эшиклар, олд ойна, рул механизми каби қолган эҳтиёт қисмларни олиб кетди. Уларни 350.000 сўмга баҳолаб, сотиб бериш учун Чилонзор туманилик бир танишига топширди.

Биринчи овидан кўнгли тўлмаган Нусрат яна режа туза бошлади. Бу гал шерикликка бошқа амакиваччаси – Абдухалилни таклиф этди. 2003 йил 16 июнь куни шериклар ўша билъярдхонада учрашишди. Ҳангомалашиб режани обдон пишитишди. Вақт ярим тунга яқинлашганда улар Чилонзор метро бекати яқинида “Тико” автомашинасини тўхта-тишди.

“...Кира қилиб юрган эдим, – дея ҳикоя қилади автомобиль эгаси, – “Ялпиз” номли дорихона ёнида икки киши қўл кўтарди. Тўхтадим. Улар Зангиота туманининг Эшонгузар маҳалласига олиб боришимни сўрашди. Рози бўлдим. Бир дала шийпонидан ўтиб тўхтадик. Шу пайт кутил-

## ШАХСИ АНИҚЛАНМОҚДА

2003 йил 1 январь куни темир йўлнинг Тошкент – Хўжакент йўналишидаги Оққовоқ – Бўзсув бекатлари оралиғида 20-25 ёшлардаги Осиё миллатига мансуб йигитнинг эҳтиётсизлик қилиб, поезд тагида қолган жасади топилган.

**Белгилари:** бўйи 160-165 см, спортчиларга хос қомадли, сочи қора, кўзи қисик, юзи чўзикроқ, қоши қалин, ёйсимон, юқори лаби қалин, қулоғи ёпишган.

**Кийимлари:** бошида оқ-қора квадрат безакли спорт жун қалпоғи, эгнига қалпоқли спорт камзули, сариқ свитер, қора шим, оёғига калиш кийган.

2000 йил 10 декабрь куни темир йўлнинг Тошкент-юк – Тошкент-йўловчи бекатлари оралиғида 35-40 ёшлардаги европа миллатига мансуб эркак кишининг жароҳатсиз жасади топилган.

**Белгилари:** бўйи 165-170 см, озгин гавдали, сочи оч жигарранг, узун, юзи чўзикроқ, кўзи кўнғир, қоши сийрак.

**Асосий белгилари:** тишларининг юқоридан тўртта, пастдан учтаси сариқ металлдан, ўнг елкасида 4 см. катталиқда, қорнида кўричак жарроҳлигидан қолган чандиқ бор.

**Кийимлари:** бошида жигарранг шляпа, эгнида сийҳранг спорт камзули, ҳаворанг шим, чўнтагида кўзойнак бўлган.

**Юқорида белгилари қайд этилган шахсларни таниган ва билганлардан яқин орадаги милиция бўлимига ёхуд Тошкент темир йўл шохбекати ИИБга хабар беришларини сўраймиз. Телефонлар: 199-72-14, 199-78-55, 133-74-51, 136-46-61.**

Тошкент вилояти прокуратураси томонидан 25-30 ёшлардаги икки аёлга нисбатан содир этилган қотиллик юзасидан жиний иш қўзғатилиб, тергов ишлари олиб бориляпти. Суриштирувда аниқланишича, 2003 йил октябрь ойининг охирида Тошкент шаҳар “ТТЗ – 2” даҳасидан икки аёл Тошкент вилояти Қибрай туманида жойлашган “Саломатлик” боғдорчилик, узумчилик пайчилик уюшмасининг 14-дала ҳовлисига таклиф этилган. Иккиси ҳам шу ерда ўлдирилиб, кўмиб ташланган.

**Аёллардан бирининг белгилари:** бўйи 170-175 см, ўртача гавдали, сочи сариқ, оқ рангли спорт камзули кийган.


**Аёллардан иккинчисининг белгилари:** бўйи 165-170 см, озгин гавдали, юзи чўзик, сочи сарғиш рангга бўялган. Кийимсиз бўлган.

**Шахси номаълум аёлларни таниган ёки билганлардан яқин орадаги милиция бўлими ёки Тошкент вилояти ИИБга хабар беришларини сўраймиз.**

Тошкент вилояти ИИБ раҳбарияти ва шахсий таркиби Бекобод шаҳар ИИБ катта терговчиси, милиция майори **Жамолиддин БИЙМИРЗАЕВ**нинг бевақт вафот этганлиги муносабати билан марҳумнинг оила аъзолари ва яқинларига чуқур ҳамдардлик билдирадилар.

Тошкент вилояти ИИБ раҳбарияти ва шахсий таркиби Олмалиқ шаҳар ИИБ бошлиғининг ўринбосари, милиция майори А. Мингяшаровга падари бузруквори **ЖУМАБОЙ** отанинг вафот этганлиги муносабати билан чуқур ҳамдардлик билдирадилар.

## Хамкасблар ижодидан



## БАҲОР

Тиник сув остида кўринар тошлар,  
Тошдан-тошга сакраб юргим келади.  
Мовий осмон узра оппоқ булутлар,  
Тоғлар чўққисига чиққим келади.

Поёнсиз ўтлоқда териб чучмома,  
Кувноқ болаликка қайтгим келади.  
Дунёнинг ташвишин суриб бир четга,  
Яшил майсазорни кучгим келади.

Аёллар хуснидек ёришади ой,  
Сокин тун кўйнида кезгим келади.  
Келинчак либосинг эскирмай, ёрим,  
Хуснингга махлиё бўлгим келади.

Наҳот гўзал экан шунчалар баҳор,  
Завқланиб куш бўлиб учгим келади.  
Табиат яратган куйига мослаб,  
Севинчдан кўшиқлар айтгим келади.

Баҳорнинг кўркидир кўшалок байрам,  
Даста-даста гуллар тергим келади.  
Онадир мўътабар, онадир азиз.  
Унга гуллар ҳадя этгим келади.

Шухрат ХУШМУРОДОВ,  
милиция капитани.



## КЎКЛАМ ЮМУШЛАРИ

Табиат тақвимида кўклар бошланди. Бу фаслда атроф те-  
варакни, майдону, кўчаларни ободонлаштириш, кўчатлар  
экиб, боғ-роғларга айланттириш юмушлари бажарилади. Ҳам-  
ма жойда бўлганидек ички ишлар идоралари ходимлари ҳам  
баҳорги ишларни бошлаб юборишди.

Суратда: Сирдарё вилояти ИИБ ахборот маркази ходимла-  
ри милиция катта лейтенанти Фариддин Гаффоров ва мили-  
ция кичик сержанти Алишер Мўминовлар арча кўчати ўтқа-  
зишяпти.

Қ. КАРИМОВ олган сурат.

## Тўкин дастурхонингизга

ОЛМА-БОДОМЛИ  
ПИРОГ

20 киши учун.

Унга хамиртуруш солинади.

Масаллиқ: 500 г. ун, 30 г. хамиртуруш, 250  
мл. илиқ сут, 60г. сариеғ, 60 г. шакар, 2 дона  
тухум, бир чимдим туз.

Тева қатлами учун:

1 банка консерваланган олма (720 г), 130 г.  
шакар, 250 г. қаймоқ, 100 г. майдаланган бо-  
дом мағизи, 1 дона тухум, 30 г. қовурилган бо-  
дом барги.

Тайёрлаш:

1. Каттароқ идишга унни солиб, ўртасини  
чуқурча қилинг. Чуқурчага хамиртурушни солиб,  
устидан илиқ сутни кўйиб, аралаштириб, эри-  
тинг. Ҳосил бўлган хамирнинг устига сочиқ ёпиб,  
ошгунга қадар иссиқ жойда 30 дақиқа сақланг.

2. Сув бугида сариеғни эритинг. Шакар, ту-  
хум, тузни аралаштириб, ҳосил бўлган масса-  
ни хамирга кўшинг ва (иложи бўлса, миксерда)  
хамир юмшоқ, силлиқ бўлгунча аралаштиринг.

Хамирни сочиққа ўраб, иссиқ жойда яна 30  
дақиқа тиндириг.


3. Олмани (малина ёки олхўри, олча бўли-  
ши мумкин) майдалаб, сузғичда шарбатни сир-  
қитиб олинг. Қаймоққа аста-секин 100 г. шакар  
кўшиб, кўпиртиринг. Майдаланган бодом ва ту-  
хум кўшиб, яна бироз кўпиртиринг.

5. Хамирни ёйиб, бир неча жойига санчқи  
санчинг. Устини ёпиб, кўтарилгунча 5 дақиқага  
яқин тиндириг.

Духовкани 180° гача қиздириг. Газ патнисини  
ёглаб, унинг устида хамирни авайлаб, жува  
билан ёйинг. Аввал майда ҳолга келтирилган  
бодом, кейин олмани хамир устига бир текис  
қилиб ёйинг. 35-40 дақиқача пиширинг.

Пирогни духовкадан олиб, патнисинг ўзида  
совутинг. Устига шакар ҳамда майдаланган бо-  
дом барглари сепинг.

Ёқимли иштаҳа!



БУ —  
КЎЗИҚ!

## 40 ЙИЛДАН СЎНГ ТОПИЛГАН ҲАМЁН

Швециялик Жулия Вильборгга қирқ йил бурун йўқотган ҳамёнини қайта-ришди. У қандай бўлса шундай ҳолатда сақланган эди. Унинг ичидаги квитанция, фотосуратлар ва пуллар бус-бутун турган экан.


— Ҳамёни олгач, худди ёшлик давримга қайтгандай

бўлдим, — дейди 58 ёшли Жулия маҳаллий газеталарга берган интервьюсида. — Орадан шунча вақт ўтгани учун ҳамёни қаерда йўқотганим ҳам ёдимдан чиқиб кетганди. Энди эсласам, уни ўзим туғилиб ўсган шаҳар чеккасида, велосипедда сайр қилиб юрган вақтимда тушириб қўйган эканман.

Дарвоқе, нотаниш киши ҳамён билан бирга бироз уринган қоғоз парчасини ҳам жўнатган. Унда қуйидаги сўзлар битилган эди: “Ҳар доим умид билан яшанг. Мана сизга 40 йил аввал йўқотган ҳамёнингиз”.

М. САЙФУТДИНОВА  
тайёрлади.

## КРОССВОРД



**Бўйига:** 1. Аёллар исми. 2. Сурхондарё вилоятидаги туман. 3. Пайвандлаш навдчаси. 4. Афсонавий қаҳрамон аёл. 9. Дунёга машҳур чўққи. 10. Водийдаги шаҳар. 11. Болтиқ денгизига куйилувчи дарё. 12. Фанатизм (ўзбекча). 13. Кавказдаги шаҳар. 18. Ўқитувчи (синон.) 19. “Шайтанат”даги образ. 20. Йиртқич ҳайвон. 21. Келиш. 24. Иззат-икром (синон.). 25. Чорва озуқаси. 26. Тарихчи олим (эски ўзбек тилида). 27. Авлод, зот. 28. Маҳсулот баҳоси. 33. Ўрта Осиёдаги дарё. 34. Олма тури. 35. Ўзбекистон (синон.) 36. Ўзбек демократ шоири.

**Энига:** 5. Машҳур ҳинд актрисаси. 6. Ёш болаларни қўрқитиш сўзи. 7. Франция авиакомпанияси. 8. Япониядаги шаҳар. 14. Математик ибора. 15. С. Айний асари. 16. Индонезиядаги орол. 17. Бекнинг хотини (эски ўзбек тилида). 19. Жиззах вилоятидаги туман. 21. Шотландия футболчиси. 22. Заминдор (синон). 23. Мадлен... 29. Кимёвий металл. 30. Венесуэла пойтахти. 31. Шабнам. 32. Мавсумий бозор. 34. Картошка нави. 36. АҚШдаги штат. 37. Ҳурмат, нуфуз. 38. Ҳашарот. 39. Кесишган кўчалар. 40. Пиво тури.

Тузувчи: Файзулла АБДУЛЛАЕВ.

## ЎТГАН СОНДА БЕРИЛГАН КРОССВОРДНИНГ ЖАВОБЛАРИ:

1. Файз. 2. Зайнаб. 3. Бэла. 4. Атиргул. 5. Лаб. 6. Бойхонова. 7. Атлас. 8. Секанс. 9. Старт. 10. Тана. 11. Айвон. 12. Нант. 13. Тўп. 14. Пиёз. 15. Зукко. 16. Она. 17. Анна. 18. Алла. 19. Алиф. 20. Фара. 21. Абр. 22. Ракета. 23. “Аида”. 24. Аллома. 25. Алик. 26. Крем. 27. Маза. 28. Ария. 29. Яшин. 30. Нафосат. 31. Тароқ. 32. Қиём. 33. Мадина. 34. Адда. 35. Агра. 36. Адолат. 37. Табиат. 38. Таржима.

## Шаклнинг доирачали хоналаридаги ҳикмат:

ЭРКАКНИ МАРДИ АЁЛ КИШИГА ЙЎЛ БЕРАДИ

(Раж Капур)

ЎЗБЕКISTON  
RESPUBLIKASI IIV  
BIRLASHGAN  
TAHRIRIYATI

MANZILIMIZ:  
700029,  
Toshkent,  
Yunus Rajabiy ko'chasi, 1

Bosh muharrir  
Shuhrat MURODOV

Bosh muharrir  
o'rinbosari v.b.  
Murod  
TILLAYEV  
Mas'ul kotib  
Rahmatilla  
BERDIYEV

Navbatchi  
Qobiljon  
SHOKIROV  
Sahifalovchi  
Zokir  
BOLTAYEV

TELEFONLAR:  
Bosh muharrir  
o'rinbosari 139-75-69.  
Kotibiyat 139-73-88.  
muhbirlar bo'limi  
139-77-23, 59-27-15.  
Buxgalter 139-75-37.  
Faks 132-05-51.

E-mail:  
urmvd@globalnet.uz

Tahririyat hisob raqami  
20210000700447980001,  
MFO 00421.  
«I'pak yo'li» aksiyadorlik  
investitsiyaviy tijorat  
bankining Mirzo  
Ulug'bek bo'limi.

GAZETA O'ZBEKISTON MATBUOT VA AXBOROT  
AGENTLIGIDA 007 RAQAM BILAN RO'YXATGA OLINGAN

Buyurtma J-000032. Hajmi — 4 bosma taboq.  
Bosilish — ofset usulida. 54104 nusxada chop etildi.

● Ko'chirib bosishda «Postda» dan  
olinganligini ko'rsatish shart  
● Muallifning mulohazasi tahririyat  
fikriga mos tushmasligi mumkin.  
Maqolada keltirilgan misollar,  
raqamlar, ma'lumotlarning aniqligi  
uchun mualliflar javobgardirlar.  
● Qo'lyozmalar tahlil qilinmaydi  
va qaytarilmaydi.

Obuna raqamlari:  
Yakka tartibda — 180  
Tashkilotlar uchun — 366  
Gazeta haftaning payshanba  
kunlari chiqadi.  
Bosishga topshirish vaqti — 20.00.  
Bosishga topshirildi — 20.00.

Toshkent matbaa  
kombinatida chop etildi.

Korxonalar manzili:  
Alisher Navoiy ko'chasi 30-uy.

Internet va xorijiy  
matbuot vositalari asosida  
tayyorlandi.